


Ikinyarwanda I

009

20/07/2021

02.00 PM – 05.00 PM



**IKIZAMINI CYA LETA GISOZA IKICIRO RUSANGE
CY'AMASHURI YISUMBUYE, 2020-2021**

IKIZAMINI: IKINYARWANDA I

IGIHE KIMARA: AMASAHA 3

AMABWIRIZA:

- 1) Ntufungure iyi kayi y'ibibazo by'ikizamini utabiherewe uburenganzira.
- 2) Ikizamini kigizwe n'ibibazo 26. Mbere yo gutangira banza ugenzure niba ibyo bibazo byuzuye.
- 3) Ikizamini kigizwe n'ibice bine:
 - **Igice cya mbere:** Kumva no gusesengura umwandiko **(amanota 27)**
 - **Igice cya kabiri:** Ikkibonezamvugo **(amanota 25)**
 - **Igice cya gatatu:** Ubumenyi rusange bw'ururimi **(amanota 33)**
 - **Igice cya kane:** Ihangamwandiko **(amanota 15)**
- 4) Subiriza mu ikaye yabugene we wubahiriza itonde ry'ibibazo uko bikurikirana.
- 5) Ibisubizo bigomba kuba bifututse kandi byuzuye.
- 6) Gusiribanga, guhindagura no guhuza ibisubizo na mugenzi wawe bifatwa nko gukopera cyangwa gukopezwa.
- 7) Kirazira kugaragaza amazina yawe, ay'ishuri wigamo cyangwa ibindi bikuranga ku ihangamwandiko n'ahandi hose hatabugene we ku ikayi y'ibisubizo.
- 8) Ukurikize amabwiriza ari ku bibazo.
- 9) Koresha gusa ikaramu **y'ubururu** cyangwa **y'umukara.**

UMWANDIKO: YARUHIYE GAHESHYI

Uyu mugani baca ngo "Yaruhiye gaheshyi", wakomotse kuri Gaheshyi ka Rubyagira wo mu Bumbogo (Kigali); ahasa umwaka wa 1600. Bawuca iyo babonye umuntu uvunikira ibintu ariko akarenga ntabibone, cyangwa yakora umurimo ugaragara ntagire icyo awungukaho.

Gaheshyi amaze kuba ingaragu se yagiye kumusohoza kuri Gisanura, amugejejeyo aba umutoni, bamugira umutegeka w'abozi, bamugabira n'umusozi wa Ruganda ho mu Bumbogo bwa Huro (Kigali). Ni we musekuruza w'abozi: abo kwa Ryaba mu Kariburyo ka Gihinga n'abo kwa Ngabo ku Murehe (ubu ni mu Karere ka Kamonyi).

Gaheshyi rero yamaze kugabana Ruganda akubitiyeho n'uwo mukiro w'amata yo mu bozi, arakira bimwe byibagiza gukinga. Abozi na bo babonye ko batagifite kigenzura, baterera agati mu ryinyo; batereka amata uko babonye; aba mabi ahinduka ibikeremanya arananirana. Gisanura amaze kubirambarwa, atumiza Gaheshyi ngo amubaze ikibimutera. Inshuti ze zirabimenya; zijya kumuburira zimutonganya. Zimaze kumuburira agira ubwoba acikira i Burundi. Arahakeza, ababwira n'umuhamango we w'ubwozi. I Burundi barishima cyane, kuko babonye Umunyarwanda ucitse abagana. Baramutonesha bamugira umunyanzoga z'ibwami.

Umukambwe we Rubyagira amaze kumenya ko Gaheshyi yageze i Burundi, akahatona, arahaguruka amukurikirayo. Agezeyo asanga Gaheshyi ari akadasohoka ibwami. Gaheshyi abonye se amusohoza ibwami ati: "Uyu ni data!" Ibwami baranezerwa; bagabira Rubyagira inkiko iteganye n'u Bugesera.

Nuko Gaheshyi na se barakira birambuye. Bukeye Gaheshyi yongera kudabagira bitambutse ibyo mu Rwanda. Rubyagira amaze kubyumva aramutera ati: "Mbe mwana wange, ubwo bupfu bwawe bugukurikiranye buzakugeza he? Ese ntiwibuka ko ari bwo bwadusenyeye mu Rwanda tugahobagira tuza ino! None tumaze gukira wongera kwikura amata mu kanwa?" Gaheshyi ati: "Sinzongera!" Ariko ari ibyo kwikiza ikimwaro. Rubyagira arataha. Gaheshyi

yisigarira muri bwa budabagizi buvanze n'ubusazi. Rubyagira akomeje kubyumva biramubabaza; ashaka inka z'imbyeyi ebyiri azijyana ibwami.

Agezeyo arazitura. Abwira umwami ati: "Hari icyo ngusaba, twavuye mu Rwanda ducitse tugeze ino tuguhakwaho uratwakira, uradukiza; umwana wange umugira umutware w'abanyanzoga bawe, nange ungira umutware wawe; none ndagusaba ko uwo mwana yajya mu ngabo wampaye kuko nshaje, ngasubira mu banyanzoga wamuhaye. Ibwami barabimwemerera, barabagurana; Gaheshyi aba umutware, Rubyagira ajya mu banyanzoga.

Haciye ho iminsi Gaheshyi ari mu ngabo yagabanye, noneho ubudabagizi n'ubukire biruta ibya mbere. Hagati aho inkiko y'i Bugesera itera urugerero Gaheshyi atwara; inka zose zirurimo ziranyagwa. Ibwami batumiza Gaheshyi baramunyaga. Amaze kunyagwa acikana na se bajya mu Gisaka, bakeza Kimenyi. Bamubwira ko bacitse mu Rwanda, ntibamuhingukiriza ko bigeze i Burundi. Kimenyi arabakira, akundwakaza Gaheshyi cyane; amugabira intara ya Mirenge ndetse amushyingira n'umukobwa we.

Gaheshyi arakira, asabikwa n'inzoga zo mu Mirenge z'urusakasaka; aba umusinzi sebyatsi. Noneho Rubyagira abibonye biramushobera arahambira agaruka mu Rwanda; ariko yikandagira. Ajya i Bumbogo kwa Gisanura aramubwira ati: "Umwana wange Gaheshyi waramukunze umugira umutware w'abozi bawe, amaze kubigabana ubwana bumutera ubudabagizi ayoberwa imirimo, umurakariye agira ubwoba aracika, nange mbonye acitse ndamukurikira musanga i Burundi, tugezeyo baduhaka nabi na ho turahava tujya mu Gisaka. Tugezeyo na ho dusanga ari nk'i Burundi, imico y'ahandi iradutonda. None ndaje unyitegekere: ari ukunkiza unkize, ari ukunyica unyice, ariko ntaguye mu mahanga."

Gisanura yumvise amagambo ya Rubyagira agira impuhwe ati: "Ese umuhungu wawe Gaheshyi aracyariho?" Rubyagira ati: "Ari aho." Gisanura aramubwira ati: "Genda umubwire mugaruke; n'ubundi yaciwe n'ubupfayongo bwe." Rubyagira asubirana umuruho munini mu Gisaka. Agezeyo abwira Gaheshyi ngo bahunguke, aramwemerera ariko agononwa. Bukeye bashyira nzira

bagaruka mu Rwanda. Ariko Gaheshyi ahagurukana ubwoba; abaza se ati: "Ko ibwami bagira ubwenge bwinshi, none baba badushuka twazagerayo bakatwica?" Rubyagira ati: "Ntabwo batubeshya kuko inshuti zange zampakiwe."

Bakomeza urugendo, bagiye guheza u Bwanacyambwe Gaheshyi yongera kugira ubwoba cyane. Abwira se ati : "Ko numva mfite ibicuro byinshi mu maso!" Rubyagira ati: "Humura ni ibyo kureba abo mutaherukanaga!" Bakomeza urugendo, bageze mu Muhima wa Kigali Gaheshyi atangira guhinda umushyitsi. Rubyagira abibonye ati: "Mbe mwana wange, ubwo bwoba urabuterwa n'iki ?" Gaheshyi ati: "Si ubwoba ni ukunanirwa."

Bakomeza urugendo; bageze kuri Nyabugogo basanga yuzuye baricara bategereza ababambutsa. Igihe bagitegereje Gaheshyi yiroha muri Nyabugogo ariyahura, Rubyagira arumirwa. Abasare baramwambutsa, aragenda. Ageze i Bumbogo atekererereza Gisanura amagorwa yabonye. Abari aho bati : "Kuruhira Gaheshyi ni nko kuruhira ubusa !"

Nuko Gisanura ayagira Rubyagira ibyo umuhungu we yahoranye : umusozi wa Ruganda n'abozi b'ibwami. Kuva ubwo rero Gaheshyi aba inkomoko y'umugani baca, iyo babonye umuntu uvunikira ibintu ariko akarenga akabibura cyangwa yakora umurimo ugaragara ukamuruhiriza ubusa ntagire icyo awungukaho, ni bwo bavuga bati : "Yaruhiye gaheshyi !"

IGICE CYA MBERE: KUMVA NO GUSESENGURA UMWANDIKO (amanota 27)

- 1) Vuga ubwoko bw'uyu mwandiko unasobanure impamu. (amanota 2)
- 2) Andika izina ry'ubwami rya Gisanura. (inota 1)
- 3) Erekana imirimo Gaheshyi yakoze n'aho yagiye ayikorera. (amanota 4)
- 4) Usibye u Bumbogo buvugwa muri uyu mwandiko tanga andi mazina atatu (3) y'uturere two mu Rwanda rwo hambere. (amanota 3)
- 5) Erekana impamu ebyiri zerekana ko Rubyagira yakundaga umuhungu we Gaheshyi. (amanota 2)
- 6) Ni yihe mpamu nyamukuru yatumaga Gaheshyi adatinda muri iyo mirimo yabaga yahawe ? (inota 1)

- 7) Ni uwuhe mugani w'umugenurano wari gucira Gaheshyi nyuma yo kubona ubudabagizi bwe ? Kubera iki ari uwo wamucira ? **(amanota 2)**
- 8) Kuki Rubyagira atabwiye Kimenyi ko babanje guhungira i Burundi ? **(inota 1)**
- 9) Ni iki kerekana ko Rubyagira na Gaheshyi batumvikanaga ku itahuka ryabo mu Rwanda ? **(amanota 2)**
- 10) Garagaza ibintu bibiri byerekana ko Gisanura yakundaga Gaheshyi. **(amanota 2)**
- 11) Erekana impamvu nyayo yaba yaratumye Gaheshyi yiyahura. **(inota 1)**
- 12) Sobanura amagambo akurikira dusanga mu mwandiko : **(amanota 6)**
- (a) Abozi :
 - (b) Ibikeremanya:
 - (c) Akadasohoka:
 - (d) Ubudabagizi:
 - (e) Inkiko:
 - (f) Abanyanzoga :

IGICE CYA KABIRI : IKIBONEZAMVUGO

(amanota 25)

- 13) Andika uwoko bw'amagambo aciyeho umurongo : **(amanota 5)**
- (a) Maze aramubwira ati : "Nduzi udashaka kubyumva ahasingaye uzabyumvishwa n'igihe."
 - (b) Gaheshyi na se bari bamaze gukira cyane.
 - (c) Basanze ibyiza ari ugusubira mu Rwanda aho kuguma mu Gisaka.
- 14) Garagaza intego y'amagambo aciyeho umurongo n'amategeko y'igenamajwi yubahirijwe (mu mpine). **(amanota 8)**
- (a) Ababyumvise bose batangira kuryanirana inzara.
 - (b) Aramusubiza ati : " Nzahabwa impundu ntabarutse. "
 - (c) Urebye neza usanga twakoraga ibintu byingenzi kuri buri wese.

15) Hanga interuro ngufi zigaragaramo ibi ibikurikira : **(amanota 5)**

- (a) Ikinyazina mbanziriza
- (b) Umugereka w'igihe
- (c) Igisantera
- (d) Ikinyazina ngenera ngenga
- (e) Inyigana (inyiganarusaku)

16) Shyira interuro ikurikira mu bindi bihe bikuru by'inshinga: **(amanota 2)**

Gaheshyi yaranzwe no kudabagira mu mirimo ye.

17) Andika imimaro y'amagambo aciyeho umurongo: **(amanota 3)**

- (a) Gaheshyi yakundaga inzoga cyane.
- (b) Rubyagira yahuye n'ibibazo bitoroshye.
- (c) Icyo gihe hajyaga ku rugerero abahungu gusa.

18) Hanga interuro ngufi ugaragaze ibikurikira: **(amanota 2)**

- (a) Ruhamwa
- (b) Icyuzuzo

IGICE CYA GATATU: UBUMENYI RUSANGE BW'URURIMI (amanota 33)

19) Ica ibisakuzo bikurikira: Sakwesakwe! **(amanota 5)**

- (a) Mpagaze mu gahinga nyarira ab'epfo!
- (b) Mpinze mu gahinga nsarura mu gapfunsi!
- (c) Nteye agapira kagera i Roma!
- (d) Inka yange irishiriza mu mishito igataha mu mishito!
- (e) Icwende ryange ribaye kure mba ngukoreyemo!

- 20) Vuga ubwoko bw'ako kandiko gakurikira. Kubera iki kitwa gutyo. Erekana akamaro ka bene utwo twandiko ku munyeshuri.

(amanota 3)

*Ejo nishe ibibiribiri bibiri!
None nishe ibibiribiri bibiri!
Bibiribiri bibiri bya nyirabibiribiri bibiri!
Hari umugabo wo kwica ibibiribiri bibiri?*

- 21) Ubutinde n'amasaku: Subiza ukoreshjeje “**oya**” cyangwa “**yego**” ukurikije uko bisomwa:

(amanota 5)

- (a) **Ubwēenge** bivuga imyobo mitoya.
- (b) **Gusaza** ni ukuba umuntu ageze mu zabukuru.
- (c) **Gusaaba** ni ugukwira hose.
- (d) **Impīri** ni ubwoko bw'inzoka.
- (e) **Amafū** ni ayo bakoresha bavuga umutsima.

- 22) Simbuza utudomo amagambo yabugenewe:

(amanota 5)

- (a) Ubusanzwe intare bayita naho impyisi ikitwa
- (b) Inuma ntabwo ivuga ahubwo
- (c) Ingoma ntabwo ishyushywa ahubwo
- (d) Ntabwo bavuga uduta ahubwo bavuga

- 23) Sobanura inshoberamahanga zikurikira:

(amanota 5)

- (a) Gukingira umuntu ikibaba:
- (b) Gutera hejuru:
- (c) Gukama ikimasa:
- (d) Gukubita impyisi inkoni:
- (e) Kuruma ugahuha:

24) Wifashishije ingero erekana itandukanyirizo riri hagati y'ibi bikurikira:

(amanota 6)

- (a) Interuro nyobyamvugo n'interuro mbonezamvugo.
- (b) Imvugo nyandagazi n'imvugo iboneye.
- (c) Impuzanyito n'ingwizanyito.

25) Erekana imvugwakimwe ebyiri ziri mu gika cya gatatu cy'uyu mwandiko "Yaruhiye gaheshyi" unagaragaze ukuntu ari imvugwakimwe.

(amanota 4)

IGICE CYA KANE : IHANGAMWANDIKO (amanota 15)

26) Hitamo insanganyamatsiko imwe wandikaho:

(amanota 15)

Ikitonderwa: Nuramuka wanditse ku nsanganyamatsiko zirenze imwe zombi zizaba imfabusa.

- (a) Ishyire mu mwanya w'umubyeyi wandike itangazo rirangisha umwana watoraguwe akaba amaze icyumweru iwawe. Umubyeyi yitwa Hakorimana Yozefu utuye i Ruhande. Ugaragaze ibimuranga n'uko ababyeyi be bamubona.
- (b) Kora inyandikomvugo y'inama yahuje abanyamuryango bose ba Koperative ABISHYIZEHAMWE ikora ubuhinzi bwimboga n'imbuto. Iyo Koperative ikorera mu Murenge wa Tyazo. Wandike mu mazina ya Hirwa Gasana. Iyo nyandikomvugo igire hagati yimirongo makumyabiri na makumyabiri n'itanu (20-25).

Ikitonderwa: Kirazira kugaragaza umwirondoro wawe uwo ari wo wose kuri iki kibazo k'ihangamwandiko.

**IKINYARWANDA I
009**

20/11/2018 2 PM-5 PM



**IKIZAMINI CYA LETA GISOZA IKICIRO RUSANGE
CY'AMASHURI YISUMBUYE, 2018**

IKIZAMINI: IKINYARWANDA I

IGIHE KIMARA: AMASAHHA 3

AMABWIRIZA:

- 1) Ntufungure iyi kayi y'ibibazo by'ikizamini utabiherewe uburenganzira.
- 2) Ikizamini kigizwe n'ibibazo 20. Mbere yo gutangira banza ugenzure niba ibyo bibazo byuzuye.
- 3) Ikizamini kigizwe n'ibice bine:
 - Igice cya mbere: Kumva no gusesengura umwandiko (amanota 23)
 - Igice cya kabiri: Ikibonezamvugo (amanita 24)
 - Igice cya gatatu : Ubumenyi rusange bw'ururimi (amanita 38)
 - Igice cya kane : Ihangamwandiko (amanota 15)
- 4) Subiriza mu ikaye yabugenewe wubahiriza itonde ry'ibibazo uko bikurikirana.
- 5) Ibisubizo bigomba kuba bifututse kandi byuzuye.
- 6) Gusiribanga, guhindagura no guhuza ibisubizo na mugenzi wawe bifatwa nko gukopera cyangwa gukopezwa.
- 7) Kirazira kugaragaza amazina yawe, ay'ishuri wigamo cyangwa ibindi bikuranga ku ihangamwandiko n'ahandi hose hatabugenewe ku ikayi y'ibisubizo.
- 8) Ukurikize amabwiriza ari ku bibazo.
- 9) Koresha gusa ikaramu **y'ubururu** cyangwa **y'umukara**.

KWIHANGANA

Umuntu wese yifuza kumererwa neza, akagira ibantu, akabigiramo amahoro. Abanyarwanda bo bati: "Hahirwa ubyara, agatunga, akaramba."

Nyamara ubuzima bw'abantu ntibugirwa n'ibyishimo, ishya n'umudendezo gusa. Haziramo ibyago, amakuba, umuntu akaba muri urwo rujya n'uruza kuva avuka kugeza yitaruye. Yego si ko abantu bose barazwe umuruho, ariko abagashize ni mbarwa kuri iyi si.

Ubonye umuntu ngo aragira ibya Mirenge akabura ababirya! Hakabaho ubwo uwo mugaga ababara umubabaro agacika ururondogoro, akagenda aganyira abahisi n'abagenzi ko nta kana. Byacambwaho akaboneza iy'abapfumu n'abacunnyingo ye baba bagira icyo bamumarira. Uko kwihangana kwe guke kugatuma agaragarira ubusa, akarutwa n'umutindi nyakujya. Ariko hari ababura urubyaro bakihangana, bagategereza. Haca iminsi Imana ikabagoboka, bakabona abana babanogeye. Bene abo bishima kurusha ba bandi babandagaje bakabarumbira, maze bakicuza icyo bababyariye. Ngo: "Kubyara ni ishyano no kutabyara ni irindi."

Ubundi ugasanga urugo rwuzuye abana bicira isazi mu jisho. Ababyeyi ubukene bukabugariza; bakabura epfo na ruguru. Hatagira ikibagoboka mu maguru mashya, bamwe muri abo bana bagasonza inzara ndende, bagatorongera, bakagegera. Naho abihanganye bagatungwa n'uduke babonye, bagashyiraho umwete bagakora, rubanda rubagirira impuhwe, rukabasakira, bakagera igihe na bo beza. Ako kanda kagacika katabahitanye.

Wa mugani wa wa Munyarwanda "Uhigira igisambu igisebe gihigira ruseke." Ushobora kwicinya icyara uzi ko hari icyo uzimarira cyangwa se ko amahirwe azagusekera. Byose bikaguca mu myanya y'intoki. Utakwiyumanganya ukaba wahinduka igishushungwe. Hari na bamwe usanga bakubita agatoki ku kandi, ngo ntibameze nka bagenzi babo, ngo baradamaraye bo bahangayitse. Uko kutihangana kwabo ni ko kubyara inzangano n'inabi nyinshi. Nyamara hari n'abatwarira iyo rigoramiye,

bakikomeza, bakemera urugero barimo kugira ngo bizamure, bagahora bakeye nta ntugunda.

Burya no kwihanganira uguhemukiye bikiza byinshi. Nta kibabaza nko guhemukirwa n'umuntu mwaganiriye, mwasangiye akabisi n'agahiye nyuma akaguhinduka. Akakwanga urwango rukabije. Bitera agahinda, ukayoberwa aho bivuye, rimwe na rimwe ugasigara wibaza aho ubwo bucuti bwari bushingiye. Ariko urengejeho nturakare uburakari butigarura, ukamureka akishyira akizana, amaherezo murashyira mukazigorora, mukabana neza bitambutse ibya mbere aho gukurura inzangano z'urudaca.

Upfushije umwana ari uruhinja cyangwa se akuze, amusigira intimba ikomeye. Ubuze ababyeyi bari bamufatiye runini, inshuti y'inkoramutima, umuvandimwe, urungano se, bimutera agahinda bikamushavuza. Yewe hari n'abo bikukiramo bagasa n'abataye umutwe. Nyamara urenzaho, agashinga iryinyo ku rindi, umubonye ntacyo amutoraho. Igihe kirahita ikindi kigataha, akagera aho asa n'uwbabyibagiwe; intimba yamushenguraga ikayoyoka.

Wari uzi ko no kurwara indwara umuntu akaremba bikanamukurizamo no gupfa urupfu rubi na byo byaturuka ku bwihebe bw'umurwayi? Akarara butunda atekereza ko atari buramuke? Ntagire icyo atamira; ntagire icyo anywa. Ayo maganya n'umuborogo bikamuhuta. Ariko uwikomeje, agashinyiriza, akiringira ko azakira, akenshi arakira koko. Agasinzira ibitotsi byinshi, akagarura ubuyanja.

Ibibabaza abantu ni byinshi ntawabiva imuzingo. Gusa ik'ingenzi ni ukwiyumanganya, umuntu akarwanya ubwihebe. Bene uwo udahindishwa imishyitsi n'ibizira ni we ushobora no kuramba. Naho ushya uwomba, agacika intege, akabura icyo afata n'ic和平 areka, agahora yigunze ntatera kabiri. Ni koko kwihangana kunesha amakuba menshi kukabyara umubano n'ibyishimo. Uwo murage w'abakurambere bacu twari dukwiye kuwubumbatira, tukawutora tukawutoza urubyiruko; bityo Abanyarwanda tugahora turi abagabo bashikamye, badakangwa n'ibirumbaraye. Uwihanganye ntiyandura.

IGICE CYA MBERE: KUMVA NO GUSESENGURA UMWANDIKO (Amanota 23)

- 1) Uyu mwandiko ni bwoko ki? Sobanura igisubizo cyawe. **(amanota 2)**
- 2) Erekana ukuntu ubuzima bw'umuntu kuri iyi si buhora buhindagurika. Ese ni iki yakora kuri iryo hindagurika ? **(amanota 2)**
- 3) Ukurikije uyu mwandiko erekana ko « kugira ubutunzi atariko gushira agahinda. » **(inota 1)**
- 4) « Uhigira igisambu igisebe gihigira ruseke. » Uwo mugani ushatse gusobanura iki ? Tanga undi mugenurano waba usobanura kimwe n'uyu. **(amanota 3)**
- 5) « Hakabaho ubwo uwo mugaga **ababara umubabaro** agacika ururondogoro....» Ni iki umwanditsi yashatse kwerekana akoresha ubu buryo « **kubabara umubabaro** » ? Erekana izindi nteruro ebyiri muri uyu mwandiko aho umwanditsi yakoresheje ubu buryo. **(amanota 3)**
- 6) Sobanura impamvu bavuga ko « kubyara ari ishyano no kutabyara rikaba irindi. » **(amanota 2)**
- 7) (a)Garagaza ingero ebyiri muri uyu mwandiko zerekana ko kwihangana bigira umumaro. **(amanota 2)**
(b)Erekana ingaruka ebyiri zo kutihangana wifashishije ingero dusanga muri uyu mwandiko. **(amanota 2)**
- 8) Sobanura amagambo akurikira dusanga mu mwandiko : **(amanota 6)**
 - (a) Umudendezo:
 - (b) Umugaga:
 - (c) Gucika ururondogoro:
 - (d) Rubanda rukabasakira:
 - (e) Kwicinya icyara:
 - (f) Agaca akatsi:

IGICE CYA KABIRI: IKIBONEZAMVUGO (Amanota 24)

- 9) Andika ngenga ku nshinga n'inteko ku mazina, ntera n'ibinyazina by'amagambo aciyeho umurongo: **(amanota 5)**
- (a) Mu buzima ni ngombwa kwihangana aho turi hose.
 - (b) Hakabaho ubwo uwo mugaga acika ururondogoro.
 - (c) Uko kwihangana kwe guke kugatuma agaragarira ubusa.
- 10) Andika ubwoko bw'amagambo aciyeho umurongo **(amanota 5)**
- (a) Ibibi n'ibyiza birajyana mu buzima bwa buri munsi.
 - (b) Ushobora kwicinya icyara uzi ko hari icyo uzimarira hakiri kare.
- 11) Kora interuro ngufi zirimo ibi bikurikira: **(amanota 4)**
- Ikitonderwa:** Interuro igomba kugaragaramo nibura kimwe mu byasabwe
- (a) Inshinga iri muri ngenga ya kabiri y'ubwinshi
 - (b) Ikinyazina mbanziriza
 - (c) Umugereka w'uburyo
 - (d) Igisantera
- 12) Garagaza uturemajambo tw'amagambo aciyeho umurongo n'amategeko y'igenamajwi yubahirijwe mu mpine. **(amanota 6)**
- (a) Akagenda aganyira abahisi n'abagenzi ko nta kana.
 - (b) Ntuzatsinda amasomo yawe mu gihe urangara mu ishuri.
 - (c) Kubana neza n'abandi ni ingirakamaro kuri buri wese.
- 13) Andika imimaro y'amagambo aciyeho umurongo: **(amanota 4)**
- (a) Bamwe baje mu gitondo cya kare.
 - (b) Hariga abakobwa gusa.
 - (c) Ababyeyi ubukene bukabugariza.
 - (d) Uhigira igisebe igisambu gihigira ruseke.

IGICE CYA GATATU: UBUMENYI RUSANGE BW'URURIMI (Amanota 38)

- 14) (a) Andika imvugwakimwe imwe (1) iboneka mu gika cya mbere cy'uyu mwandiko. **(inota 1)**
- (b) Tanga urundi rugero rw'imvugwakimwe urukoreshe mu interuro ngufi zitandukanye. **(amanota 2)**
- (c) Imvugakimwe n'impuzashusho bitandukaniye he?
Byerekanishe ingero. **(amanota 2)**
- (d) Tanga inyito eshatu z'inshinga "**kwakira**" wifashishije interuro ngufi. **(amanota 3)**
- 15) Garagaza ibintu bitatu bitandukanya umuvugo n'umwandiko usanzwe. **(amanota 3)**
- 16) Ica ibisakuzo bikurikira: **Sakwe sakwe!** **(amanota 5)**
- (a) Abakobwa bange barara bahagaze bwacya bakaryama!
- (b) Nahuye na cya matimbatimba cya maguru umunani kigiye kugura umunyu kwa mirongwitanu!
- (c) Nshukuye urwina sinatara!
- (d) Mfite inka yange nyiragira ku manga ntitembe !
- (e) Akababaje umugabo kamurenza impinga!
- 17) Ubutinde bw'imigemo n'amasaku **(amanota 11)**
- (a) Shyira amagambo akurikira mu matsinda ukurikije ubutinde bw'imigemo n'amasaku: **(amanota 6)**
- | | | |
|------------|--------------|-------------|
| - igitabo | - amabuye | - amagana |
| - urutare | - akabuto | - amaronko |
| - umugati | - ibishingwe | - urushinge |
| - umubande | - ikirenga | - ibibazo |
- (b) Andika interuro ikurikira ugaragaza ubutinde bw'imigemo n'amasaku
Ubonye umuntu ngo aragira ibya Mirenge akabura abana bo kubirya! **(amanota 5)**

18) Andika amagambo ari mu dukubo ukoreshheje amagambo yabugenewe:

(amanota 6)

- (a) Nahuye n'(abavuzi b'ingoma) (bikoreye ingoma).
- (b) Gatera agiye kuzana (agati bavurugisha amata) n'(umuheha bayanywesha).
- (c) Turimo kumva impyisi (zivugira)mu (ntaho yazo).

19) Sobanura inshoberamahanga zikurikira:

(amanota 5)

- (a) Gutunga ibya Mirenge ku Ntenyo:
- (b) Kubunza imitima:
- (c) Kugenda mpiru na nyoni :
- (d) Kudacira ngo agwe:
- (e) Kugwa gitumo:

IGICE CYA KANE: IHANGAMWANDIKO (Amanota 15)

20) Hitamo imwe muri izi nsanganyamatsiko uyandikeho ukurikije ibisabwa:

Ikitonderwa: Nuramuka wanditse ku nsanganyamatsiko irenze imwe zombi zizaba imfabusa.

- (a) Andika inyandikomvugo y'imigendekere y'Ikizamini k'Ikinyarwanda mu cyumba wakoreyemo. Wandike mu mazina ya KANEZA Karekezi wakoreye mu Rwunge rw'Amashuri rwa KAMI.
- (b) Andika itangazo rimenyesha abanyeshuri ko aho bagombaga gukorera ikizamini hahindutse uvuge n'impamvu. Wandike mu mazina ya HABINEZA Yohani Umuyobozi w'Urwunge rw'Amashuri rwa GISA ahagombaga gukorerwa ibizamini.

Ikitonderwa: Kirazira kugaragaza umwirondoro wawe uwo ari wo wose kuri iki kibazo k'ihangamwandiko.

Ipaji itaraho ibibazo

Ikinyarwanda I

009

21/11/2017 02.00 PM – 05.00 PM



IKIZAMINI CYA LETA GISOZA IKICIRO RUSANGE CY'AMASHURI YISUMBUYE, 2017

IKIZAMINI: IKINYARWANDA I

IGIHE KIMARA: AMASAHHA 3

AMABWIRIZA:

- 1) Andika amazina yawe na nomero yawe ku ikayi y'ibisubizo nk'uko byanditswe kuri "Registration form" ariko ubujijwe kubyandika ku mpapuro z'inyongera wahabwa bibaye ngombwa.
- 2) Ntufungure iyi kayi y'ibibazo by'ikizamini utabiherewe uburenganzira.
- 3) Ikizamini kigizwe n'ibice bine:

Igice cya mbere: Gusoma, kumva no gusesengura umwandiko **(amanota 32)**

Igice cya kabiri: Ikkibonezamvugo **(amanota 45)**

Igice cya gatatu: Imyandikire n'ubumenyi by'ururimi **(amanota 8)**

Igice cya kane: Ihangamwandiko **(amanota 15)**

- 4) Subiriza mu ikayi yabugenewe wubahiriza itonde ry'ibibazo uko bikurikirana.
- 5) Ibisubizo bigomba kuba bifututse kandi byuzuye; usubize muri make utarondogoye.
- 6) Irinde gusiribanga no guhindagura ibisubizo.
- 7) Andikisha ikaramu y'ubururu cyangwa iy'umukara.

UMWANDIKO: YIGIZE KABUSHUNGWE

Bushungwe yari atuye i Kageyo, akaba umukungu w'imyaka n'amatungo, adendeje mu bana benshi n'umuryango mugari. Muri uwo mudendezo we rero, akajya yitegerezza amakoro acicikana ava iwabo ajya ibwami kwa nyina wa Rwigera; dore ko Rwigera yari akiri muto, ubutegetsi bugifitwe na nyina mu kimbo cye. Bushungwe rero yabona ayo makoro agenda, bikamubabaza. Bukeye bikomeje kumutera umujinya, abwira bene wabo ati: « Ariko ibantu byacu mubona bijya ibwami ubutitsa, mwebwe ntibibababaza? » Ati: « Kuva ubu, ndasaba ko mucukira aho ntimuzongere kugira andi makoro mwohereza ibwami ».

Bene wabo baramushwishuriza, bat: « Reka da! Ntiwashobora kwimana amakoro y'ibwami, ejo batazatwita abagome tukava aho tuzira akanwa! » Bushungwe abonye abenshi banze kumva imigambi ye, akoranya abana be n'abavandimwe bahuje igitekerezo ati: « Dore inama nagiriye bene wacu yo kudatura wa mugore Nyiramavugo batinye kuyemera; none mwebwe ndabizeye, nimubona abikoreye amakoro bayajyana ibwami mujye muyabambura muyanzanire! » Ati: « Mbese ibwami mwumva si amaboko hari ikindi baturusha; ese urya mugore aturusha amaboko ki? » Ubwo yavugaga Nyiramavugo Nyiramongi nyina wa Rwigera.

Nuko Bushungwe n'abo bahuje umugambi, bahera ubwo bakajya batangira amakoro yo mu Kingogo bakayabuza kujya ibwami. Inkuru irashyira igerayo, bat: « Bushungwe yarigometse, yazitiye amakoro y'ibwami arayikubira. » Bene wabo badahuje umugambi babyumvise, barikengera, barahaguruka basanga Nyiramavugo, bajya kumwishinganaho, bavuga ko ibyo Bushungwe akora batabifatanyije kandi banamuhannye akabananira. Ubwo bagendaga bitwaje inkoni gusa kuko inkoni yonyine muri icyo gihe ariyo yabaga « mpakanye ubugome. »

Nyiramavugo amaze kubona bene wabo wa Bushungwe no kumva ubwishingane bwabo, arabashima asigara arakariye Bushungwe n'urubyaro rwe, ategeka abatware kugera ingabo zo kumutera, kandi abivuga bene wabo wa Bushungwe bakiri aho. Bamaze kumva iteka riciwe ry'uko mwene wabo atanenze, barasezera barataha. Bageze i Kingogo bajya kuburira umuvandimwe

wabo; bati: «Urahejeje, ibitero byo kukurimbura biraduherekeje.» Bushungwe akoranya abagore n'abana ati: «Numvise ko Nyiramavugo yadutanze, ariko muhumure nta cyo azadutwara; icyakora nimupfe guhunga, muhungishe n'inka n'ibyangushye, ge ndaguma iwange simuhunga kuko umwami w'umugore nta cyo yantwara!»

Baka Bushungwe baremera, bahungana n'abana n'amatungo, hasigara rubanda rukuru rwiyemeje kumurwanirira. Ako kanya iz'ibwami ziba zisesekaye i Kageyo, zanzikana n'iza Bushungwe, ruremveka bishyira kera. Bushungwe amaze gusumbirizwa, bamufata mpiri baramushorera bamujyana ibwami; ntibamugirira nabi, kuko uwafatwaga mpiri yabaga atakiciwe aho; uwarengaga akamwica yabaga akoze icyaha kititwarirwa.

Nuko Bushungwe baramushorera, bigiye imbere bahura n'umugabo wigendera, Bushungwe ati: «Ndabasaba kwibwirira ijambo rimwe uriya mugabo duhuye!» Abandi baramwemerera kuko uwabaga yafashwe mpiri yagiraga uburenganzira bwo kuvuga no gusaba icyo ashatse. Arembuza uwo mugabo bigira hirya; aramutuma ati: «Genda ubwire abagore bange n'abana uti: muramenye ntimwiyahure, kandi ntimumwangirize ibintu azagaruka; ntabwo umwami w'umugore azagira icyo amutwara.»

Baramushorera no kwa Rwogera na Nyina bati: «Nguyu Bushungwe turamuzanye.» Nyiramavugo amukubise amaso, aho kugira icyo amubaza atera hejuru; ati: «Uno muburagasani nta bugome yashigaje; n'ishusho ye ni ubugome!» (ngo kuko yari mubi ku buranga). Bushungwe abyumvise atyo, aba abonye urwaho rwo kumushuka.

Atera hejuru ati: «Nyagasani hari icyo ngusaba!» Nyiramavugo ati: «Ngaho kinsabe!» Bushungwe ati: « Ngira ngo nkumenyeshe ko nta bukire undusha uretse izina ngo uri umwami, naho ubundi uzabaze, nari nsanganywe ibintu byinshi, none nakubitiyeho no kukwambura amakoro, ureba se ko hari icyo undusha!» Akirekanya ayo magambo, abari aho bose baraseka; babwira Nyiramavugo bati: «Icyakora ntakubeshya, umuntu wari ufite ibye, none akaba yarakubitiyeho n'iby'ibwami koko ntakurusha ibintu?» Noneho Bushungwe arushaho kubona inkunga yo gukomeza kumushuka; ati: «Nyagasani ohereza

abantu bawe vuba bajye guhagarara ku rugo rwange, hato rubanda batakwangiriza ibintu kandi byari kuzakugirira akamaro», ati: «Kandi n'ibyange byose mbiguhayeho impongano yo kugira ngo mutanca amatwi.» Nyiramavugo ati: «Nguciye amatwi byamera bite?» Bushungwe ati: « Nasubira i Kingogo nciye amatwi, abagore bange n'abana banseka, inka zange zigahunga kandi ngatakaza agaciro mu Kingogo nabayemo igihangange!» Arakomeza ati: «Nyagasani ndabigusabye, ahubwo ntanga mfe, hato hatagira abanzi bansaba ngo ncibwe amatwil!»

Nuko biba nk'uruhubiko, Nyiramavugo ntiyamenya ko ari ibishuko; ahubwo abyemera nk'ukuri, aho kumutanga ngo apfe, ahubwo ategeka ko bamuca amatwi bakamurekura agasubira mu Kingogo, aho abagore n'abana bazajya bamukwena bakamugira ikinnyogorero. Bushungwe yirya icyara aho aboheye arishima kuko agiye gukira. Bamuca amatwi yombi, baramubohora baramureka asubira i Kageyo. Ageze yo asanganirwa n'impundu. Na we Nyiramavugo asigaye yishima amishuke ngo yamuhaye igihano gikomeye; ntiyibuke ko nubwo gucibwa amatwi ari ubusembwa, ariko atari ukwamburwa ubuzima. Kuva ubwo rero babona umuntu wanadiranye, bagoragoza ntashoboke, bamutega imitego akayigobotora, bakabura uko bamugira bagatererayo utwatsi, bakagira bati: « Nimumureke yigize kabushungwe » (aka Bushungwe)

-Kwigira kabushungwe = kunanirana.

A. KUMVA NO GUSESENGURA UMWANDIKO (amanota 13)

- 1) Uyu mwandiko ni bwoko ki? Sobanura. **(amanota 2)**
- 2) Ni irihe zina ry'ubutegetsi bahaga nyina w'umwami? **(inota 1)**
- 3) Ni irihe zina ry'ubwami rya Rwojera? **(inota 1)**
- 4) Ni iki bene wabo wa Bushungwe bakoze cyo kugaragaza ko badahuje umugambi na we? **(inota 1)**
- 5) Ni iyihé mpamvu y'ingenzi yatumye Bushungwe yiyemeza gutangira amakoro y'ibwami? Ayo makoro yamaraga iki? **(amanota 2)**
- 6) Ayo makoro yatangwaga na nde? Muri iki gihe ayo makoro yagereranywa n'iki? Vuga ibintu bibiri (2) byashoboraga kuba bigize ayo makoro. **(amanota 3)**
- 7) Kuki Bushungwe ingabo z'ibwami zitahise zimwica amaze gufatwa mpiri? **(inota 1)**
- 8) Kuki Bushungwe yasanganijwe impundu avuye ibwami? Ubusanzwe mu Kinyarwanda impundu zivuzwa ryari? **(amanota 2)**

B. INYUNGURAMAGAMBO

9) Garagaza mu mwandiko amagambo cyangwa interuro bisobanura:

(amanota 12)

- (a) Kunyuranyuranamo kw'ibintu.
- (b) Kwiyegamiza umuntu ukomeye kugira ngo utarengana, utagwa mu bintu utarimo.
- (c) Kwegeranya ingabo kandi begeranya umubare ukwiye.
- (d) Itegeko ryabaga ritanzwe n'umwami.
- (e) Gucira umuntu urubanza rwo gupfa.
- (f) Gutangira kurwana bikomeye.
- (g) Gukotana, gukubana.
- (h) Biratinda cyane, bimara umwanya munini.
- (i) Guta muri yombi, kumushyikira mu maboko yabo ku buryo atabacika.
- (j) Ikintu kijijisha, gihuma mu bwenge.

- (k) Guhakanira umuntu wivuye inyuma.
- (l) Umuntu usuzuguritse abandi bakoza icyo bashaka.

C. IMBUSANE

- 10) **Andika imbusane z'aya magambo aciyeho akarongo.** (amanota 4)
- (a) Bushungwe yari yarigometse.
 - (b) Bene wabo wa Bushungwe baramushwishuriza.
 - (c) Muri uwo mudendezo Bushungwe yababazwaga n'ibantu byajyaga ibwami.
 - (d) Yabaga akoze icyaha kititwarirwa.

D. INGWIZANYITO

- 11) Garagaza inyito eshatu (3) zitandukanye z'inshinga "gusoma" wifashishije interuro ngufi imwe kuri buri nyito. (amanota 3)

IGICE CYA KABIRI: IKIBONEZAMVUGO (AMANOTA 45)

- 12) **Andika ubwoko bw'amagambo akurikira aciyeho akarongo.** (amanota 9)
- (a) Nyiramavugo ati: « Aho kumwica reka nge kumuca amatwi.»
 - (b) Bene wabo wa Bushungwe babyitwayemo neza.
 - (c) Abo bagabo bagiye bafite ubwoba.
 - (d) Imyandiko myinshi tuyisanga mu bitabo byanditswe n'ibiro nteganyanyigisho.

- 13) **Garagaza uturemajambo tw'amagambo aciyeho akarongo n'amategeko y'igenamajwi yakoreshejwe.** (amanota 14)

- (a) Bushungwe amaze kubona ibyo bibaye arishima.
- (b) Bene wabo wa Bushungwe babyumvise baryanirana inzara.
- (c) Amakoro yajyanwaga ibwami yagarukiraga mu nzira.

- 14) **Andika ibicumbi by'amagambo aciyeho akarongo.** (amanota 4)
- (a) Ukuri guca mu ziko ntigishye.
 - (b) Abenshi banze kumva imigambi ye.
 - (c) Aratangara ati : « Uyu ni we Bushungwe!»

- 15) **Andika inteko ku mazina n'ibinyazina, na ngenga ku nshinga.** (amanota 5)
 (a) Bamaze kumva iteka ry'uko mwene wabo atanzwe barataha.
 (b) Banza uze hano nkubwire.
 (c) Imfizi ya Gatare yabigendeyemo.
- 16) **Andika imimaro y'amagambo aciyeho akarongo muri izi interuro:** (amanota 3)
 (a) Umugore we abyumvise ati: «Iryavuzwe riratashye! »
 (b) Umunyeshuri mwiza yubahiriza igihe.

UBUTINDE BW'IMIGEMO N'IMITERERE Y'AMASAKU

- 17) (a) **Tandukanya amagambo yandikwa atya ukoresheje ubutinde bw'amagambo n'imiterere y'amasaku.** (amanota 5)
- (i) Amakoro (amabuye aturuka mu birunga)
 ≠ (ayo batangaga ibwami)
 - (ii) Umwishywa (umwana wa mushiki wawe)
 ≠ (icyatsi kirandaranda)
 - (iii) Impinga (y'umupfumu)
 ≠ (y'umusozi)
 - (iv) Kubara (imibare)
 ≠(inkuru)
 - (v) Gucanira (kumurikira)
 ≠ (inkono iri ku ziko)
- (b) **Garagaza ubutinde n'amasaku ku magambo agize interuro ikurikira.** (amanota 5)
- Abantu benshi b'amacuti ye baza kumubwira ko ibintu bimumereye nabi ibwami.

IGICE CYA GATATU: IMYANDIKIRE Y'URURIMI (AMANOTA 8)

- 18) Ni hehe mu myandikire y'lkinyarwanda hemerewe gukoresha akuguruzo n'akugarizo (...) kamwe? Tanga urugero rw'interuro ngufi rubigaragaza. **(amanota 2)**
- 19) Andika ahantu hatatu mu Kinyarwanda inyajwi zandikwa zikurikiranye urugero kuri buri hantu. **(amanota 6)**


IGICE CYA KANE: IHANGAMWANDIKO (AMANOTA 15)

- 20) Hitamo imwe muri izi nsanganyamatsiko zikurikira uyiramburemo umwandiko w'imirongo makumyabiri n'itanu (25) n'amagambo atari munsi ya magana abiri (200) yose hamwe.
- (a) Ingaruka z'ibiyobyabwenge mu rubyiruko.
- (b) Muri iyi myaka umaze mu kiciro rusange, andika ku masomo abiri washimye n'impamvu ziyagukundisha n'andi abiri utashamadukiye n'impamvu zabyo.

Ikinyarwanda I

009

09/11/2016 2.00pm - 5.00pm



IKIZAMINI CYA LETA GISOZA IKICIRO RUSANGE CY'AMASHURI YISUMBUYE, 2016

IKIZAMINI: IKINYARWANDA I

IGIHE KIMARA: AMASAHA 3

AMABWIRIZA:

- 1) Ntufungure iyi kayi y'ibibazo by'ikizamini utabiherewe uburenganzira.
- 2) Ikizamini kigizwe n'ibice bine:
 - **Igice cya mbere:** Gusoma, kumva no gusesengura umwandiko **(amanota 40.5)**
 - **Igice cya kabiri:** Ikkibonezamvugo **(amanota 34.5)**
 - **Igice cya gatatu:** Ubumenyi rusange bw'ururimi **(amanota 10)**
 - **Igice cya kane:** Ihangamwandiko **(amanota 15)**
- 3) Subiriza mu ikayi yabugenewe wubahiriza itonde ry'ibibazo uko bikurikirana.
- 4) Ibisubizo bigomba kuba bifututse kandi byuzuye; usubize muri make utarondogoye.
- 5) Irinde gusiribanga no guhindagura ibisubizo.
- 6) Koresha ikaramu y'ubururu cyangwa y'umukara.

UMWANDIKO: IMISORO, AMAHORO N'AKAMARO KABYO.

Si ikiguzi, si ingurane, si n'ubwishiyo, ahubwo ni inshingano ya buri muturage w'inyangamugayo ukunda igihugu cye, ugeze mu kigero cyo gusora, akaba afite ibyo agomba gutangira umusoro cyangwa amahoro. Aribwiriza agasora kare atabihatiwe kuko bagira bati «uwo uzaheka ntumwisha urume». Bitinde bitebuke azishyura, nazarira kandi hazongerwaho ibihano by'ubukererwe, nâakabyâ ibiraârane ntazabisonerwa. Abishyurira ibitandukanye, bagirwa inama yo gutangira hakiri kare kuko ngo «ukorora acira aba agabanya». Abatareba kure ngo batange ibya Leta hakiri kare ni bo ibirarane biggeretseho ibihano bisubiza ku isuka. Nyamara n'abanyamadini bibutsa guha Kayizari ibye no kugenera Imana ibyayo.

Dukunze kubyitiranya nyamara ababisobanukiwe bavuga ko amahoro atangirwa imirimo izwi Leta idukorera tugafasha kwishyura abayishinzwe. Ingero ni umutekano, isuku mu isoko, aho uhagarika imodoka ikaharindirwa. Umusoro wo uratangwa, abawakira bakawukoresha mu ngengo y'imari russange. Ushobora kwakirwa rimwe mu mwaka cyangwa ugatangwa buri kwezi cyangwa buri gihembwe. Imisoro n'amahoro ni ngombwa, kuko ari yo Leta ikuraho amikoro n'imbaraga zo kurangiza inshingano zayo n'imishinga igira mu nzego zinyuranye. Bituma ibasha guhemba abakozi bayo no kubafata neza, ikubakira abaturage bayo amashuri n'amavuriro, igahaanga, ikubaka kandi igasana imihanda n'amatembe. Bituma kandi ibasha kubagezaho umuriro n'amazi meza, itumanaho no kubarindira umutekano. Twibaze uko twahangayika nta ngabo, nta polisi, nta mategeko, nta butabera tugira. Leta ikoresha imisoro mu iterambere ry'ibigo byayo bishinzwe imirimo inyuranye hirya no hino, kuva ku bushakashatsi mu buhinzi n'ubworozi kugeza ku mubano n'amahanga hanze y'igihugu. Ni umusanzu wo kwiyubakira urugo duhuriyeho ari rwo igihugu cyacu.

Mu Rwanda rwa kera, mbere y'umwaduko w'abazungu n'ifaranga dore ko ari indatana, icyo twagereranya n'umusoro w'ubu cyitwaga ikoro. Iryo tûuro ryagenerwaga umwami n'abatware. Baturwaga imyaka yeze nk'ibishyimbo, amashaza, amasaka, uburo, inkôori..., ibyakomokaga ku bworozi nk'amavuta n'amata. Abavuûmvu baturaga imitsama, ubuki bw'urutare n'inkaângaza. Abahigi batangaga impû z'agaciro nk'iz'ingwe n'imondo. Mu kinyejana cya 19, aho abahâanju baturukaga i Karagwe (Tanzaniya y'ubu) bâbuunza ibicuruzwa mu Rwanda, amahembe y'inzovu na yo yatanzweho ikoro. Abacuzi na bo bagemuraga amacumu, imyambi, inkota n'imbogita, impiîndu n'imitaako icuze mu butare. Kwanga gutanga ikoro byitwaga kwigomeka, bigakurikirwa no gutterwa n'ingabo z'i Bwami, ikigaânde cyatsindwa kikanyagwa ingabo zacyo zikayoboka byanze bikunze. Abarwanyi ku rugamba aho babaga baganditse,

baterwaga ingabo mu bitugu hakoreshwa ikoro ry'umuheto.

Amafaranga y'Abadage yitwaga impiyâ (rupees) n'amaherâ (heller) ni yo yabimburiye ayandi gutangwaho umusoro. Nyuma y'Intambara ya Kabiri y'Isi (1945), Ababirigi bamaze kuragizwa u Rwanda, bakoreye Abanyarwanda urusyo, umusoro ubabera umuzigo udashyiguka, dore ko ifaranga ryabonaga umugabo rigasiiba undi. Ibyagurishwaga ntibyari byinshi, nimirimo yahemberwaga ntiyahabwaga ubonetse wese.

Ahagana 1950, umusoro w'inka wiyoungereye ku wo bitaga uw'umubiri. Waherekezwaga n'ibiboko n'igifungo ku bananirwaga kuwutanga. Ku buryo wahahamuye bamwe bibaviramo gutorongera biihisha mu bihuru, ni ho havuye akazina «gahuru», abandi basuhukira mu mahanga. Byavuyemo cya gisakuzo ngo «Akaje gatuna umugabo». Ababirigi ni bo kandi batangije amahooro ku byinjira n'ibisohoka : ibyavaga muri Uganda byabanzaga kugenzurwa na Rujigo kuri gasutamo ya Kagitumba – Muvumba. Ako kazina uwo musoresha w'umubirigi yari yaragahimbwe kubera inkono y'itabi yahoraga ajinyitse.

Mu 1962, hiyoungereyeho ay'ibihano ku washatse umugore wa kabiri, hagamijwe gukoma mu nkokora no guca umuco wo guharika no gushaka abagore benshi. Nyuma Minisiteri y'Imari yashyizeho ishami ry'imisoro n'amahooro, ari na ko yerekana ibindi bisoreshwa. Umusoro ku binyabiziga, ku nzu z'ubucuruzi ku butaka bubyara inyungu, ipatanti ku bacuruzi, amafaranga yakatwaga ku mishahara y'abakozi akunganirwa n'abakoresha maze agashyikirizwa Isanduku y'Ubwiteganyirize bw'Abakozi, imisoro ku nganda no mu bucukuzi bw'amabuye y'agaciro... Ibyo byose byagiye bimenyerwa buhoro buhoro. Amasoko manini namatô yagiye atuma abantu bamenyera guhaahirana no gutanga amahooro. Ari na ho havuye wa mugani ngo «Uhenzwe n'isoko atonganya inzira». Ntitwiyibagize ya mvugo ikoreshwa mu kwamamaza igira iti «Akeza karigura».

Uko ubuhahirane n'ibihugu bidukikije bwagiye butera imbere, ni ko hakwirakwijiwe ibiro bya gasutamo n'inzu zo kubika no kugenzuramo ibyinjira n'ibisohoka. Uretse Kagitumba mu Mutara na Gatuna ya Gicumbi, hari Cyanika ya Burera, Rusumo ya Kirehe ku mupaka wa Tanzaniya, Akanyaru ya Ruguru n'yo Hepfo muri Nyaruguru, Ruhuha mu Bugesera ku mupaka w'u Burundi, Bugarama ya Rusizi na yo igana i Burundi, Mururu na Gisenyi ku mupaka wa Kongo.

Ku wa 8 Ugushyingo 1997, Leta y'Ubumwe yashyizeho Ikigo Gishinzwe Imisoro n'Amahooro (Rwanda Revenue Authority). Mu byo gishinzwe harimo kurwanya ubucuruzi bwa magendu burigisa imisoro, gukumira ibicuruzwa

bitemewe n'amategeko: urugero ibiyobyabwenge, intwaro, ibyonona umuco... Uretse ibyo, dusanzwe tuzi ko gishinzwe kwinjiza imisoro nk'iy'ibinyabiziga, peteroli n'ibiyikomokaho, inzu z'ubucuruzi, inzu zikodeshwa n'ibibanza. Tujye tuzirikana kandi ko amazi ayunguruye dukoresha, umuriro, amaterefoni n'iminarra y'itumanaho, ibinyobwa mvaruganda (imitobe n'ibisindisha), ibiribwa byinjjwe mu gihugu, ibinoza ubwiza bw'umubiri, iyo twiyakiriye mu ihoteri cyangwa resitora igezweho, ibyo byose tubitangaho amafaranga yinjira mu isanduku rusange, itabi ryo ricibwa 150%, kimwe n'ibindi bicuruzwa by'amara. Icyo kigo kandi cyinjiza umusoro ku nyungu, ku mutungo utimukanwa, umusoro ku nyongeragaciro, ku byapa byamamaza n'ibindi tatarondoye. Ubu buri muntu usora yiyumvisha ko agomba kwishyura uko yinjije n'uko yungutse.

Kubeshya mu misoro no kuyihungira mubihugu bisoresha make ni ibyaha bigira ingaruka ziremereye cyane ku bayobozi no ku baherwe mu bihugu byateye imbere. Igihugu cyacu cyubahiriza umunsi w'usora n'u'w'umugazi wo ku wa 15 Werurwe. Mu karere u Rwanda ruherereyemo icyo kigo cyahuje amategeko n'ay'ibindi bigo by'ibihugu duhahirana nko mu Muryango w'Afurika y'Uburasirazuba (EAC) n'Isoko Rusange ry'Ibihugu by'Uburasirazuba n'Amajyepfo y'Afurika (COMESA). Dushishikarire gusorera ku gihe, twiyubakire Igihugu.

IGICE CYA MBERE (AMANOTA 40.5)

A. KUMVA NO GUSESENGURA UMWANDIKO (amanota 20.5)

**Ikitonderwa: Soma witonze usobanure mu magambo yawe bwite.
Niwandukura interuro z'umwandiko bizafatwa nko gukopera.**

- 1) Kuki abaturage b'iglihugu bagomba gusora? Bitangire ingingo ebyiri z'akamaro k'imisoro ziri mu mwandiko. **(amanota 2)**
- 2) "Uwo uzaheka ntumwisha urume ". Sobanura uwo mugani mu nteruro ebyiri werekane aho uwo mugani uhuriye n'uyu mwandiko. **(amanota 2)**
- 3) Gereranya aho ikôro ryari ritaniye n'umusoro uhoreye ku byatangwaga n'abo byari bigenewe. **(amanota 2)**
- 4) Tanga ingingo enye (4) zigizwe n'izigaragaza ubwoko butandukanye bw'imisoro (ingingo 2); n'amahooro (ingingo 2), byadukanywe n'Ababirigi. **(amanota 2)**
- 5) Ikigo Gishinzwe Imisoro n'Amahooro cyashinzwe ryari?
Andika mu nteruro imwe gusa inshingano ebyiri cyahaw. **(amanota 1.5)**

- 6) Kuki ibicuruzwa bimwe nk'itabi n'iby'amarahâ bicibwa amahooro y'ikirêengâ? **(inota 1)**
- 7) Umuntu wese ukorera umushahara yunganira Leta ate?
Umukoresha we ashinzwe iki muri urwo rwego? **(amanota 2)**
- 8) Twunganira Leta dute iyo dufuungûra muri resitora cyangwa iyo dusomye ku kinyobwa mvaruganda? **(amanota 2)**
- 9) Ibicuruzwa byinjira n'ibisohoka mu gihugu bisabwa iki? Ubucuruzi bwa magendu budindiza bute ubukungu bw' igihugu? **(amanota 2)**
- 10) Umuryango Mpuzamahanga w'Iburasirazuba n'uw'Amajyepfo y'Afurika ihuriye he n'imisoro itangwa iwacu mu Rwanda? **(inota 1)**
- 11) Roondoora ibintu bibiri (2) biri mu mwandiko ngo «byaje bituna umugabo» ku ngoma y'ababirigi nk' uko igisakuzo kibivuga. Kuki? **(amanota 2)**
- 12) Umunsi mpuzamahanga w'usora umaze iki? **(inota 1)**

B. INYUNGURAMAGAMBO

- 13) **Sobanura mu magambo yawe bwite aya magambo yakoreshejwe mu mwandiko.** **(amanota 15)**
- (a) ikôro ry'umuheto
 - (b) amahooro
 - (c) «Akeza karigura»
 - (d) «Uhenzwe n'isoko atonganya inzira»
 - (e) Rujigo (inyito + inkomoko)
 - (f) gahurû
 - (g) gusônerwa imisoro
 - (h) ibiraârane (by'imisoro)
 - (i) gutera umuntu ingabo mu bitugu
 - (j) gusubira ku isuka
 - (k) gukoma umuntu mu nkokora
 - (l) gasûtamo (impuzanyito 2)
 - (m) ubukoôde (bw'inzu cyangwa ubutaka)
 - (n) itemê
 - (a) gutanga ibya Kayizari (Caesar)

C. IMPUZANYITO

- 14) **Andika amagambo ahuje ibisobanuro n'aya dusanga mu mwandiko.** (amanota 2)
- (a) imbibi (z'ikindi gihugu)
 - (b) kurigisa (imisoro)
 - (c) kugirira akamaro kenshi
 - (d) umusanzu
- 15) **Tanga imbusane z'aya magambo usanga mu mwandiko.** (amanota 3)
- (a) Gutabaara ≠
 - (b) Guhoomba ≠
 - (c) Kwiinjiza (ibicuruzwa) ≠
 - (d) Kuyoboka (ubutegetsi) ≠
 - (e) Gukumiira(ruswa) ≠
 - (f) Kwiiyubakira (igihugu) ≠

IGICE CYA KABIRI: IKIBONEZAMVUGO (AMANOTA 34.5)

- 16) **Andika ubwoko bw'amagambo aciyeho akarongo n'inteko zayo cyangwa ngenga ku nshinga zitondaguye.** (amanota 8)
- (a) Abanyarwanda ba kera batangaga ikoro uko bejeje.
 - (b) Nta mutekano twagorwa cyane.
 - (c) Imisoro n'amahoro bifasha kubaka igihugu.
 - (d) Ibindi bintu bike birasonerwa.
- 17) **Andika intēgo y'amagambo aciyeho akarongo n'amategeko y'igenamajwi yubahiriza (ariko mu mpine).** (amanota 12.5)
- (b) Dukunze ibyiza dukesha imisoro n'amahoro.
 - (c) Abanyamadini na bo batwibutsa gutanga ibya Kayizari (Caesar).
 - (d) Leta ivana imbaraga n'amikoro ku misoro.
 - (e) Ishobora gukoreshwa na Leta mu ubwubatsi n'ubworoz.

18) UPUTINDE BW'IMIGEMO N'AMASAKU

(a) Tandukanya amagambo akurikira yandikwa atya ukoresheje ubutinde bw'imirimo n'amasaku ariko ugabanya ibimenyetso.

(amanota 7)

- (i) amahoro (n'imisoro) ≠ (azira intambara)
- (ii) ikoro (ry'ikirunga) ≠ (umusoro wa kera)
- (iii) amasoko (y'amazi) ≠ (duhahiramo)
- (iv) ikiboko (bakubitaga) ≠ (ukuboko kunini cyane)
- (v) amahugu (uburiganya) ≠ (ibihugu)
- (vi) kubika (igikopo ku icupa) ≠ (gushyingura)
- (vii) kongera (kuremerezza umusoro) ≠ (gusubiramo)

(b) Garagaza ubutinde bw'imirimo n'imiterere y'amasaku muri iyi nteruro ariko ugabanye ibimenyetso.

(amanota 7)

Amahoro ku biribwa n'ibinyobwa by'ibanze nk'amata n'inyama akwiye kuba adakanganye.

IGICE CYA GATATU (AMANOTA 10)

19) UBUMENYI RUSANGE BW'URURIMI N' IMYANDIKIRE (amanota 10)

(a) Andika imimaro ibiri (amanota 2) y'imigani migufi. **(amanota 4)**

(b) Uzuza ukoresheje amagambo arimo ibi bihekane, mbyw, shw, shyw, nsw, njw, sw **(amanota 6)**

- (i) Abatayishyurira igihe baho.....n'imisoro yiyongereyeho ibirarane.
- (ii) Umwana ubereye nyirarume aba ari.....wawe.
- (iii) I.....a ziguruka ku matara igihe cy' imvura nyinshi.
- (iv) Ura.....Rujigo ntakugabanyiriza amahooro, yubahiriza itegeko uko ryakabaye.
- (v) Imyenda igomba kume.....tukirinda kuyi.....nyaguza.

IGICE CYA KANE: IHANGAMWANDIKO**(AMANOTA 15)**

20) **Hitamo imwe mu nsanganyamatsiko ebyiri zikurikira uyibyaze umwandiko muremure ufile imirongo makumyabiri n'itanu (25) n'amagambo atari munsi ya magana abiri (200).**

- (a) Uretse inshingano nziza yo gusora erekana izindi eshatu (3) zafasha urangije icyiciro cya mbere cy'amashuri yisumbuye nkawe kwerekana ko ashishikajwe no guteza imbere igihugu cye.
- (b) Igihugu cyubakwa mbere na mbere na benecyo. Byerekane ku Rwanda mu ngingo enye (4) zumvikana.

Kinyarwanda I

009

11/11/2015 2.00PM-5.00PM



**IKIZAMINI CYA LETA GISOZA ICYICIRO RUSANGE CY'AMASHURI
YISUMBUYE, 2015**

IKIZAMINI: KINYARWANDA I

IGIHE KIMARA: AMASAHA 3

AMABWIRIZA:

- 1) Ntufungure iyi kayi y'ibibazo by'ikizamini utabiherewe uburenganzira.
- 2) Ikizamini kigizwe n'ibice bine :
Igice cya mbere: Gusoma, kumva no gusesengura umwandiko **(amanota 37)**
Igice cya kabiri: Ikkibonezamvugo **(amanota 39)**
Igice cya gatatu: Imyandikire n'ubumenyi by'ururimi **(amanota 9)**
Igice cya kane: Ihangamwandiko **(amanota 15)**
- 3) Subiriza mu ikayi yabugenewe wubahiriza itonde ry'ibibazo uko bikurikirana.
- 4) Ibisubizo bigomba kuba bifututse kandi byuzuye; usubize muri make utarondogoye.
- 5) Irinde gusiribanga no guhindagura ibisubizo.

TUMWE MU TURANGO BWITE TW'UMUCO NYARWANDA

Umuco w'abantu batuye igihugu runaka aba ari imbumbe rukumbi, utakwitiranywa n'undi kandi ukaba ukomoka ku rusobe rw'ibintu byinshi. Turavugamo bimwe mu by'ishingiro bituma nyine umuco wacu uba umwihariko unoze: ubwisanzure bw'umuntu mu bandi, uguhererekanya ibyagezweho, ururimi n'ubuvanganzo, indirimbo n'imbyino, ubupfura, imyuga n'ububahose bw'Imana.

Umuntu yisanzuriraga mu bandi. Haba mu muryango we bwite, haba mu wo akomokamo ndetse no mu mirimo inyuranye ya buri munsi, buri wese yagombaga gukorera abo babana, maze na bo bakamurinda. Ndetse n'iyo byabaga ngombwa, umuntu yatangwagaho igitambo kugira ngo abe cyangwa abo akomokaho badahungabana. Nk'iyo yatangwaga n'umwami, ntiyabyinubiraga, ari ukugira ngo ejo abana be na bene wabo batamuzira.

Umunyarwanda wese, kabone n'umwami ubwe, yagombaga kumena amaraso ye, iyo byabaga ngombwa, kugira ngo igihugu gisugire. Ni n'aha twashyira amatwara yo kwagura igihugu kugira ngo haboneke uruhumekero.

Hari imirimo rusange yashimangiraga ubucuti, ubufatanye, ikanerekana ko «akebo kajya iwa Mugarura». Twavuga nk'ubudehe, umusanzu n'umuganda, gusangira, gutonora no kunywana. Abanyarwanda bibukaga ibihé by'amahina n'urugamba rukomeye bakarya ku mbuto enye z'banze bitaga nkuru: uburo, amasaka, isogi n'inzuzi. Bityo ntihagire iby'ingenzi bibagirwa kandi n'ubusabane bwabo bugasugira. Ibanga ry'ubukesha n'ubumenyingiro ryigishwaga abana bose, nta kuvangura ibitsina.

Guhererekanya ibyagezweho na byo ni inshygikiramuco. Mu mateka y'u Rwanda, ababyeyi bitwararikaga kuraga ababakomokaho ibyo bakuye ku bakurambere babo. Ndetse n'ubu usanga umubyeyi uyu n'uyu yigisha abana be nk'ibisigo, imigani, ibisakuzo, ibitekerezo, indirimbo n'imbyino. Gusa ikibabaje kandi kinatangaje ni uko bene abo ari bake cyane. Bashoboraga no kubyigishwa na ba sekuru cyangwa nyirakuru cyangwa se n'abavandimwe babo babaruse ubukuru.

Uko guhererekanya ubushishozi, ubwitonzi, ubumenyi, urwibutso, ubuhanga n'ubugenge bw'ingeri zose kugaragarira cyane cyane mu bategetsi,

nk'abakuru b'imiryango, b'ibitsibo by'imiryango cyangwa abami. Ibwami bashyizeho uburyo bwo guhererekanya uwo murage w'abasokuruza bushamikiye akensi ku buvanganzo. Ni uko hashyizweho abasizi, abisi, ibikore, abacurabwenge, abiru n'impara zari zishinzwe umuhango wo kubandwa. Iryo hererekanya ryanabaga mu mihango iranga ibihe bikuru by'ubuzima bw'umuntu: ivuka, iyatura n'isubizwaho, ishyingirwa n'irongora n'icyo kwitarura isi. Yego hose birahaba, ariko rero uburyo, imvugo n'isesekaza bikanyurana. Biterwa n'igice umuntu aherereyemo, aho yarerewe n'uko yarezwe. No mu bitaramo barahigiraga. Byararuhuraga, ariko bakanabyigiramo amateka, inozamvugo, kwifata neza no gutoza ugutwi muzika, nk'iyo habaga hari abanyamuduri n'ubundi bugeni bwerekeye muzika.

Nta gushidikanya ko uwo mwete wo kubungabunga ibyagezweho no kubigeza ku bandi ari wo waranze ubushakashatsi bwa Musenyeri Alegisi Kagame waturaze ibintu bitabarika cyane cyane ibyerekeye ubuvanganzo. Yakusanyije ibisigo byashoboye kuboneka aranabitwandikira.

U Rwanda rwateje imbere cyane icyitwa «ijambo» n'ubunozamvugo. Rwitaye cyane ku rurimi rwo nzira y'ubwumvikane na kimwe mu by'ingenzi umuco ukubiyemo. Mu buvanganzo ijambu rishobora kwerekana imyifatire, imbamutima, ibiri mu mutwe w'umuntu, rigatuma ingiro iriherekeje itaba imfabusa. Ijambo rero ni igikorwa gituma yigaragaza akanumvana n'undi.

Si ibyo gusa, ururimi rwacu runashyigikiye ubumwe bw'ighugu. N'ikimenyimenyi biri no mu ndirimbo yubahiriza ighugu cyacu mu gitero cya kabiri aho dusanga aya magambo : «*Horana Imana, murage mwiza, ibyo tugukesha ntibishyikirwa; umuco dusangiye uraturanga, ururimi rwacu rukaduhuza...*». Urebye uko ruteye kandi, usanga ruva inda imwe n'ikirundi n'igiha....

Mu muco w'Abanyarwanda, habamo n'ubupfura. Ubupfura ni ubw'umutima; si ukuba ukomoka kuri naka cyangwa nyirantuza. Abakurambere bacu bati «ubupfura buba mu nda». Bugaragarira mu budahemuka, mu kutiyandarika, mu kutariganya, mu butwari, mu kubaha abandi, mu kugira ibanga, mu bugororoke, mu bwiyumanganye, mu bwangamugayo no mu gushimira.

Inkingi ya koma y'uwo mugenzo mwiza w'ubupfura ni ubuntu, icyuzuzo cyawo kikaba umurava. Ariko muri ibi bihe iringo jambo ryahawe inyito yindi, kuko ubundi ryavugaga ubugwaneza, ugushikurwa n'ukwimenya. Ubupfura ni bwo butera ikinyabupfura, kugira ibanga no kutishyamangaza.

Imyuga na yo iri mu bigize umuco w'ighugu. Ibyo imyuga idukorera buri munsi bigira icyobihindura ku musaruro, ku gukoresha iki n'iki cyangwa ku kurya imyaka iyi n'iyo. Umukobwa yabohaga agaseke azi n'uko bakikorera kandi batagaragaje ibikarimo. Ubukorikori bwagiye bwongera ubuhanga bubukoreshwamo, ubwiza, imitako mu iboha cyangwa mu bucuzi. Ububumbyi nabwo ni ingirakamaro cyane cyane kubera ibikoresho binyuranye bikorwa mu ibumba.

Imana ntibyabura mu muco wacu, mu mvugo ya buri munsi tuyisangamo. Amazina ayishingiyeho ayiha umwanya ukomeye mu mibereho y'abantu, agahora yibutsa ko ihoraho. Imana mbere na mbere ni umuremyi. Ndetse n'ibisigo byahimbwe mbere y'umwaduko w'ubukirisitu birabihamya.

Uwo muco warinze Abanyarwanda kuyongoberera mu yandi mahugu, ntuzimirire mu bizira byinshi byagiye biranga amateka, ubu ukaba ukeye rwose kandi ari ubukombe, ukubiyemo intekerezo zacu twihangiye, ukwiye icyubahiro by'umwihariko. Mu rugaga rw'indi mico ntiwaburamo cyangwa ngo ujyaneyo ikinegu n'ipfunwe. Ahubwo wayuzuza ari na ko na wo wiwayuzuza. Wakunganira ikoraniro ry'abantu bagambiriye kumenya «Muntu.»

IGICE CYA MBERE (AMANOTA 37)

A. KUMVA NO GUSEENGURA UMWANDIKO

- 1) Andika ibintu bine (4) bigaragaza ko umuco wacu wihariye utandukanye n'indi mico y'ahandi. **(amanota 2)**
- 2) Ni hehe Umunyarwanda ashobora kugaragariza ubwisanzure? (Vuga ahantu habiri). **(inota 1)**
- 3) Ni uwuhe mugani w'umugenurano dusanga muri uyu mwandiko ugaragaza ubufatanye n'ubucuti? **(inota 1)**
- 4) Ni iyihe mirimo yashimangiraga ubucuti n'ubufatanye Abanyarwanda bashoboraga guhuriramo? (Vuga imirimo ibiri). **(inota 1)**
- 5) Ni izihe mbuto Abanyarwanda bitaga nkuru? **(amanota 2)**
- 6) Tanga ingero ebyiri z'imigenzo ivugwa muri uyu mwandiko itakigaragara muri iki gihe. **(amanota 2)**
- 7) Ni iki kitwereka ko kuva na kera Abanyarwanda bubahirizaga ihame ry'uburinganire bw'ibitsina byombi mu burere bahaga abana babo? **(inota 1)**
- 8) Ni iki kigaragaza ko ururimi rufite uruhare runini mu bumwe bw'igihugu? **(inota 1)**
- 9) Wifashishije ingero 2 zitandukanye erekana ko Imana itabura mu buzima bwa buri munsi bw'Abanyarwanda. **(amanota 2)**
- 10) Tanga imigani itatu y'imigenurano yerekeza ku Mana. **(amanota 3)**
- 11) Tanga ingero eshatu(3) z'abantu bari bashinzwe imirimo mu butegetsi bwo hambere bakaba batakiri mu nzego z'ubuyobozzi zo muri iki gihe bavugwa muri uyu mwandiko. **(amanota3)**

B. INYUNGURAMAGAMBO

- 12) Sobanura amagambo akurikira dusanga mu mwandiko:
 - (a) imbumbe rukumbi **(inota 1)**
 - (b) Ubuvanganzo **(inota 1)**
 - (c) Ntiyabyinubiraga **(inota 1)**
 - (d) Gisugire **(inota 1)**
 - (e) Amahina **(inota 1)**
 - (f) Kunywana, guca ku nda **(inota 1)**

- (g) Ubukesha (inota 1)
- (h) Ibikore (inota 1)
- (i) Kwishyamangaza (inota 1)
- (j) Kuyongoberera (inota 1)

C. IMPUZANYITO

13) Simbuza amagambo aciyeho akarongo andi bihuje inyito ari mu mwandiko.

- (a) Umuco w'abantu ukomoka ku ruvange rw'ibantu byinshi. (inota 1)
- (b) Imirimo Abanyarwanda bakoraga yahamyaga ubufatanye. (inota 1)
- (c) Ikinyarwanda kiri mu muryango umwe n'ikirundi n'igisha. (inota 1)

D. UBUVANGANZO N'UBUMENYI RUSANGE

14) Ica ibi bisakuzo : sakwe sakwe !!!

- (a) Nahinze mu mpinga nsarura mu gapfunsi. (inota 1)
- (b) Akayuriyuri ka ntibazirikana inshuti y'urupfu. (inota 1)

15) Uzuza iyi migenurano :

- (a) Ahatuma ibiziba uhatega (inota 1)
- (b)nibo bamwimye amatwi. (inota 1)
- (c) Abasangira ubusa (inota 1)

IGICE CYA KABIRI : IKIBONEZAMVUGO (AMANOTA 39)

16) Andika ubwoko bw'amagambo aciyeho akarongo.

- (a) Umuntu yisanzurira mu bandi. (amanota 2)
- (b) Umuco nyarwanda ukwiye gusigasirwa hakiri kare kuko ufite uruhare runini mu majyambere. (amanota 3)
- (c) Ururimi rwacu runashygikira ubumwe bw'ighugu. (amanota 2)

17) Garagaza intêgo y'amagambo aciyeho akarongo n'amategeko y'igenamajwi yubahirijwe (mu mpine)

- (a) Ubuhinzi n'ubworozi ni imwe mu myuga ya kera. **(amanota 2)**
- (b) Basanze umurwayi n'umupfu bombi ari kimwe n'ubwo
mu muco wacu batandukanye. **(amanota 5)**
- (c) U Rwanda rivateje imbere ibintu byinshi birimo n'umuco. **(amanota 2)**
- (d) Dukwiye kwirinda inzangano mu buzima bwa buri munsi. **(inota 1)**
- 18) Andika ibicumbi by'amagambo aciyeho akarongo.
- (a) Ubukwe ni umwe mu mihangi twarazwe n'abasokuruza. **(amanota 3)**
- (b) Horana Imana murage mwiza ibyo tugukesha ntibishyikirwa. **(amanota 2)**
- 19) Andika inteko cyangwa ngenga (ku nshinga) z'amagambo
aciyeho akarongo.
- (a) Abibonye atyo ati "ndagiye sinzangaruka ntimuzanshake". **(amanota 2)**
- (b) Impyisi na yo yahamije ko ubupfura buba mu nda. **(amanota 2)**
- (c) Umuco nyarwanda utandukanye n'indi mico y'ahandi. **(inota 1)**

UBUTINDE N'AMASAKU

- 20) Tandukanya amagambo yandikwa atyo ukoresheje ubutinde
bw'imigemo n'imiterere y'amasaku.
- (a) Kurongora (umugeni) ≠(gushorera inka) **(inota 1)**
- (b) guhera (amasakâ) ≠(kubûra buruundû) **(inota 1)**
- (c) gutuma (koohereza) ≠(ivû cyangwa isaazi) **(inota)**
- (d) gushyira (nzira) ≠(kujyaanira umuuntu ikiintu) **(inota 1)**
- (e) amafu (amatôondotôondo) ≠(y'amasaka n'imyumbati) **(inota 1)**
- 21) Garagaza ubutinde bw'imigemo n'imiterere y'amasaku ariko
ugabanye ibimenyetso kuri iyi nteruro. **(amanota 7)**

Guhererekanya ibyagezweho na byo ni ingirakamaro mu buzima
bwa buri munsi bw'Abanyarwanda bose.

IGICE CYA GATATU: IMYANDIKIRE Y'URURIMI (AMANOTA 9)

22) Andika neza amagambo aranga igihe akurikira:

- a) n'i munsi (inota 1)
- b) ejo bundi (inota 1)
- c) isaatanu (inota 1)

23) Andika amagambo abiri arimo igihhekane "dw". (amanota 2)

24) Ni hehe hemerewe gukoresha akuguruzo n'akugarizo kamwe mu myandikire yemewe y'Ikinyarwanda. Tanga urugero rw'interuro ibigaragaza. (amanota 2)

25) Interuro ibaza itangirwa n'iki igasozwa n'iki?

Tanga urugero rw'interuro y'umurongo umwe. (amanota 2)

IGICE CYA KANE: IHANGAMWANDIKO (AMANOTA 15)

26) Hitamo imwe mu nsanganyamatsiko zikurikira uyiramburemo umwandiko muremure w'imirongo 25 n'amagambo atari munsi ya 200.

- (a) Uruhare rw'umugore mu muco nyarwanda
- (b) Ishuri riyobowe neza kandi ryishoboye ritsindisha abanyeshuri benshi.

Kinyarwanda I

009

30/10/ 2013 02:00 pm – 05:00 pm

REPUBLIC OF RWANDA



RWANDA EDUCATION BOARD

**IKIZAMINI CYA LETA GISOZA ICYICIRO RUSANGE CY'AMASHURI
YISUMBUYE 2013**

IKIZAMINI: KINYARWANDA I

IGIHE KIMARA: AMASAHHA 3

AMABWIRIZA:

- 1) Ntufungure iyi kayi y'ibibazo by'ikizamini utabiherewe uburenganzira.
- 2) Ikizamini kigizwe n'ibice bine:
 - **Igice cya mbere:** Gusoma, kumva no gusesengura umwandiko (amanota 37)
 - **Igice cya kabiri:** Ikkibonezamvugo (amanota 43)
 - **Igice cya gatatu:** Imyandikire yemewe y'ururimi n'umuco (amanota 5)
 - **Igice cya kane:** Ihangamwandiko (amanota 15)
- 3) Wubahirize itonde ry'ibibazo uko bikurikirana.
- 4) Usubize muri make utarondogoye.
- 5) Gusiribanga, guhindagura ibisubizo no kubihuza na mugenzi wawe cyane cyane ibipfuye bizafatwa nko gukopera cyangwa gukopezwa.
- 6) Amazina yaye cyanewa ay'ishuri wigamo ntagire aho agaragara uretse gusa abapugenewe ku ikave y'ibisubizo wutuwe mberere yo gutangira iki kizamini.

UMWANDIKO: UMUCO W'AMAHORO

Ururimi n'umuco ntibitandukana; tuvuga ko ubwarwo ari ingobyi ihetse imigenzo, intekerezo n'indangagaciro za benerwo. Imico mibi ni ingeso zidakwiye kuturanga.

Kugira imico myiza ni ukunogera abakugana, ukabaakiira kandi ukababanira neza. Iyo umuntu atuje atéekaanye, nta kimubuza amahwemo, tuvuga ko yifitiye amahoro mu mutima we. Utayafite ntayaha abandi. Kuyagira umuco ni ukuyamenyeera, akakuranga mu mvugo no mu ngiro, wumvikana neza n'abandi.

Kugira amahoro kandi ni ukuba utarwaye, utaniha n'igicurane, uzira icyago... Atangirira mu muryango iyo ababyeyi babanye neza, bakabana n'abana mu mutuzo uzira intugunda, amahane n'umwiryane. Akomereza mu baturanyi kuko ari bo batabara iyo habonetse ingorane. Umuturanyi musangira akabisi n'agahiye, ibibi n'ibyiza. Uwa hafi cyane muhuje inkiïke bamwitaga umuzimya w'umuriro. Uraterwa akagutabara, warwara akagusura, yagira ibirori akagutumira. Uko mugenderana ni ko mwifatanya mu byishimo no mu kababaro. Bisaba kenshi kurenzaho, kwibombarika no kutiyerekana uko uri. Ngo «Inkuba muturanye mu mahoro uyikeka kuba intûuro ». Iyo mutabanye neza, murangwa n'ishyari, urwikekwe, amakimbirane adashira. Abanyarwanda barerura bati «umuturanyi mubi arutwa n'itongo».

Iyo imihana ibanye mu mahoro, ingo ziyigize ziranezerwa. Iyo ari uko bimeze imisozi yose, igihugu kirangwa n'ituze n'umutekano. Abasokuruza bacu bifuzaga amahoro bakayifuriza abandi kugeza n'aho babishyira mu ndamutso ngo «Gira amahoro! Uraho ni amahoro masa?... iwanyu iyo uturutse ni amahoro?» Basezeraga bagira bati «(m)jugende amahoro». Amateka atubwira ko n'abami ubwabo bari basobanukiwe n'akamaro k'amahoro arambye hagati y'ibihugu byabo. Mutara I Semugeshi (1543-1576) yemeranyije na Mutaga II Nyamubi amasezerano bitaga imimaro y'u Rwanda n' u Burundi yo kutazashotorana, bahuriye mu Twicarabami twa Nyaruteja hafi ya Kansi.

Mu Rwanda, imisozi yitwa Buhoro ni myinshi cyane, imihaânda n'utuyira nyabagendwa, utubari banyweramo byitirirwa amahoro; n'ikibuga cy'imikino n'imyidagaduro tuzi cyiswe Sitade Amahoro y'i Remera rya Kigali, izwi iwacu no mu mahanga kuko iberaho ibirori n'imikino kenshi. Abitwa ba Mahoro, Sebuhoror, Munyabuhoro, Uwamahoro, Nyiramahoro, Nyabuhoro; n'andi nk'ayo ntibabarika. Buhoro bwa Nyamireembe ni izina bitaga umugore w'inganirizi wakirizaga abashyitsi amagambo asize umunyu, anogeye amatwi. Ayo mazina akwiye kugenda asimbura amwe muri aya: Ntambara, Mahane, Banzi, Mharimo, Ntumukunzi, Ntahondi, n'avandi nk'ayo. Intama bayitaga inyabuhoro kuko icisha make; igwa neza, ikarangwa ulubuzwe.

Ibibangamira amahoro biba byinshi: ukutumvikana ku miyoborere y'ibihugu, kwikubira ibiza abandi bakibagirana, ikandamiza rikabije, ivangura, itotezwa n'ihezwa rya bamwe mu benegihugu, imyemerere itandukanye, kubangamira bigaragara inyungu za ba mpatsibihugu bitwaza ko ari bo intangarugero muri demokarasi no kuréengera uburenganzira bw'ikiremwamuntu bihuhura imibanire mike y'abenegihugu, abigomeka bagatizwa umurindi.

Amakimbirane yashyize kera abyara imishyamirano, na yo ivamo guhangana no kurwana iy'amagambo cyangwa ikoresha intwaro. «Ibijya gucika bica amarenga». Ibihugu birundarunda ibitwaro ngo byo kwirinda, hari ubwo bibikoresha mu gutera abaturanyi cyangwa mu kumara abaturage babyo. Intambara irangira iyo rumwe mu mpande zishyamiranye rutsinzwe burundi cyangwa iyo imishyikirano yumvikanishije abarwanaga bakagira ubutwari bwo guhara urugamba.

Impamu zitera intambara ziranyuranye. Zimwe zigira ishingiro, nyamara haba n'izihishwa zimenywa gusa n'abashoza imirwano rimwe na rimwe biireebera isokô ry'intwaro bacura n'inyungu zabo bwite, batitaye ku kababaro k'abicwa, abahunga, abamugara n'abacûuzwa utwabo. Iya kabiri twavuga ihora ishyamiranya abantu, ishingira ku myemerere y'amadini itandukanye. Urugero u Burayi n'Amerika by'abemera Kristu/Kristo n'Aziya yemera Muhamadi bahora ku rugamba rutagerura.

Kwibohora ingoma y'igitugu ikandamiza abaturage, izira ukwisyira ukizana na demokarasi, bijyana no gukuraho ingoma zigundira ubutegetsi, ziramba zikarambirana, zihindagura itegeko nshinga na byo kenshi byabaye intandaro yo kwiroha mu ntambara. Izarwanyaga abakoroni bitwaga baa gashakabuhake, iz'impinduramatwara ziboneka mu bihugu biri mu nzira z'amajyambere zashyirwa muri urwo rwego. Akarengane k'igihe kirekire, kuburabuzwa, guhêezwa kw'abenegihugu, kuvangurwa, gutotezwa no gusumbanya nk'uko byahoze mu Rwanda mbere ya 1994 na byo bishobora guteza ubushyamirane, imidugararo n'intambara. Ibitunga abantu n'ibyo bakuraho ubukungu iyo bibaye bike barabirwanira. Ni byo bagira bati: «abasangira badashyize hamwe, babirwaniramo». Intambara zifata ubutaka, ziimûra imipaka zâgura ibihugu cyane cyane iyo bihatse ubukungu nk'amabuye y'agaciro na peteroli ntizibarika. Imirwano ishyamiranya abahinzi n'aborozi mu bihugu bimwe by'Afurika iba kenshi. Iy'amazi mu Burasirazuba bwo Hagati (Middle East) yabuze gicâ. Uwatewe iyo afite agatege agerageza kwivuna umushotoye.

Gushaka ishema ryo kwitwa igihangange kizahora cyibukwa mu mateka na byo bishobora gutera intambara. Hari n'ubwo ibihugu bifite amaboko n'ubushobozi byigarurira ibyo birusha ingufu, bikabyogeraho uburimiro. Ababigezeho bahora bibukirwa ku byiza cyangwa ibibi bakoreye abo basangiyе igihugu. Amateka y'ibihugu akenshi ashingira ku ntambara byanyuzemo. Muri Nzeri 2001, Amerika iyobowe na G.W.Bush yeshore intambara yo kuryânye literabwoba muri Afuranisitani yayoberwaga n'ebaterihen, ibihube bimaze

guhitana abantu barenze ibihumbi bibiri no gusenya iminara ibiri yari muri "New York" rwagati. Muri 2003, Abanyamerika batangije indi ntambara muri Iraki ya Saddam Hussein, bagamije kurwanya iterabwoba.

Ingaruka mbi z'intambara ntawazitindaho; mu karere k'Ibiyaga Bigari u Rwanda ruherereyemo, zirazwi bihangije. Ihitana abantu, iba intandaro y'ubupfubyi n'ubupfakazi, igahungabanya abayirokotse, irabahahamura, itera ubuhunzi, ikica amatungo, igasenya amazu, inganda, amateme, ibitaro, amashuri n'ibindi bikorwa remezo.

Uburyo buhwitse bwo kubungabunga amahoro ni ukubanza gushimangira umutekano no kwimakaza ubworoherane n'ubwumvikane iwacu. Duhere mu ngo zacu, ntitugire uwo duhoza ku nkeke, intonganya, agahimano n'ihanganana kuko bitubaka: umugabo n'umugore barangwe n'umushyikirano uzira imberekwa twakwita «gacaca y'urugo». Uwakoshereje mugenzi we agire ubutwari bwo guca bugufi asabe imbabazi. Abana nibateshuka ku nshingano zabo bibe uko.

Amakimbirane n'umwiryane mu baturanyi ba hafi tubyamaganire kure. Abaturanyi ni abasangira bagatumirana, bagashyikirana, bagatabarana. Baragenderana, bakaganira byinshi, ntibahishanye ibibahuza. Iyo habonetse kandi ibitura barebana ay'ingwe, nk'imbibi z'amasambu, abana cyangwa amatungo akurura igitotsi mu mubano wabo, baroroherana, bagatega amatwi abagamije kubungura inama no kubuunga aho kwanga kuva ku izima no kwirukira inkiko. Duturane tudatongana. Twibuke ko «Ababiri bashyize hamwe baruta umunani barasana».

Mu buyobozi na ho, iyo ibibazo bishyamiranya ababukuriye bibaye insobe, inzira nzima ibikemura si ibipfunsi, imigeri, igitugu, guharabikana cyangwa kwigomeka. Gushyikirana, no kujya inama ni byo bikwiye gushyirwa imbere. Iyo ukuri kugaragaye, kwemera icyaha iyo bwateshutse ku nshingano no kugisabira imbabazi si ubugwari ahubwo ni ubutwari. Ngo «Inama irakuka si akabande».

Ibihugu bituranye bikunda gupfa imipaka cyangwa impamu z'ubukungu, z'umutekano cyangwa izo kwihiira ijambo mu karere. Ababifitiye ubushake batega amatwi inzego zihuza impande zombi, bagashyira umukono ku masezerano hatarononekara byinshi. Abanje kungwa no kumvikana bareka imirwano uruhande rumwe rutsinzwe uruhenu. Iyo imirwano imaze igihe kirekire, hakurikiraho kwakira ingabo z'amahoro, zifatanya n'abenegihugu, zikoresha intwaro, zibarinda gushotorana, zigenzura ko yubahirizwa. Abamenyekanye ko baharaniye amahoro bidashidikanywa mu rwego rw'isi bahabwa igihembo Nobeli cy'Amahoro.

Amahoro ni nk'amagara araseseka ntavorwa. Tuhanc, tworcherane, twihe amahoro tuyahibe hose, tuyagire umucolegeze no byu bandi.

IGICE CYA MBERE

A. KUMVA NO GUSESENGURA UMWANDIKO

(amanota 25)

Icyitonderwa: Subiza ukoresheje amagambo yawe bwite. Niwandukura interuro z'umwandiko bizafatwa nkaho wakopeye.

- 1.** Andika indamutso gakondo imwe n'amagambo asezera bishingiye ku mahoro. **(amanota 2)**
- 2.** Uhoreye ku mwandiko garagaza amazina bwite abiri (2) ya gikobwa yerekeye amahoro. **(amanota 2)**
- 3.** Garagaza ibintu bine (4) biri mu mwandiko bishobora kubangamira amahoro n'umutekano w'igihugu . **(amanota 2)**
- 4.** Andika ingaruka enye (4) z'intambara zavuzwe mu mwandiko. **(amanota 2)**
- 5.** Tanga ingaruka ebyiri wishakiye ku mwana nkawe zo kubuzwa amahoro mu muryaango. **(amanota 2)**
- 6.** Uhoreye ku mwandiko,erekana ibimenyetso bine by'umubano mwiza n'abaturanyi. **(amanota 4)**
- 7.** Kwemera ukuri iyo habonetse ikosa bihuriye he n'umuco w'amahoro mu buyobozi? **(amanota 2)**
- 8.** Ighembo Nobeli cy'Amahoro gihabwa nde? Andika izina rw'umukambwe wo muri Afurika Y'Epfo wagihawe mu 1993. **(amanota 2)**
- 9.** Andika uburyo butatu (3) bwo kurangiza intambara buri mu mwandiko. **(amanota 3)**
- 10.** Akarere k'Ibiyaga Bigari kavugwa aha ni akahe (andika amazina y'ibihugu 4 nibura bikabarirwamo)? **(amanota 2)**
- 11.** Intama yitwa ite? kuki? **(inota 1)**
- 12.** Isomo uvanye muri uyu mwandikio ni kire? **(inota 1)**

B. INYUNGURAMAGAMBO

13. Koresha amagambo usanzwe uzi usobanure aya magambo dusanga mu mwandiko wahawe.

(amanota 12)

- a) Kugira amahoro (ibisobanuro 2)
- b) Kurebana ay'ingwe (amaso)
- c) Umuzimya w'umuriro
- d) Intambara y'amagambo
- e) Gushoza imirwano
- f) Kogera umuntu ho uburimiro
- g) Kuguundiira ubutegetsi
- h) Kwibombarika
- i) Kwiherira ijambo
- j) Kuva ku izima
- k) Gutiiza umurindi
- l) Kubura gicâ (urubanza)

IGICE CYA KABIRI: IKIBONEZAMVUGO (amanota 43)

14. Garagaza ubwoko bw'amagambo aciyeho akarongo n'inteko abarizwamo cyangwa ngenga ku nshinga zitondaguye. (amanota 10)

- a) Izindi mpanvu zitera intambara ni ubwumvikane buke no kwanga kuva ku izima.
- b) Ndeka wa mugabo we ibikorwa byabo bibangamiye Uwamahoro
- c) Ni nk'amagara, araseseka nti ayorwa.
- d) Ingabo mpuzamahanga zirahuruzwa.

15. Erekana intêgo y'amagambo aciyeho akarongo n'amategeko y'igenamajwi yubahirijwe (mu mpine) (amanota 15)

- a) Icyo gihugu kigenzurwa n'ingabo z'Ubumwe bwa Afurika.
- b) Bari bagose impande zose.
- c) Sitade Amahoro yabeereyeho imvidagaduro.
- d) Amabero mexa azira umuyundo ni ukenye.

- e) Inyungu z'izo nzego zisiga impunzi ku imanga.
- f) Imvugo ibe ingiro :uwakosheje wicuza ahabwe imbabazi

16. Andika imimaro y'amagambo yaciweho akarongo. (amanota 2)

Biriya bihugu birunda intwaro bibangamira amahoro rwose.

17. Garagaza ibicumbi by'aya magambo aciyeho akarongo. (amanota 5)

Zimwe mu nzira nziza zo gukemura amakimbirane ni umwiherero,
ibiganiro n'umushyikirano .

UBUTINDE BW'IMIGEMO N'AMASAKU

**18. a) Tandukanya amagambo akurikira witabaje ubutinde bw'imigemo
n'amasaku ariko ugabanye ibimenyetso. (amanota 8)**

Kumenyera (kugira akamenyero)	= (kwibukira)
intama (y'amazi)	= (itûungo)
Kuvuna (gutabaara)	= (gucamo kabiri)
Kurengera (kurwana ku muntu)	=..... (kumwambura uburenganzira)
Ukwakira (umushyitsi)	=..... (ukwezi kwa cumi)
Kanama (ukwezi)	=..... (umusozi wo muri Rubavu)
Gutungana (byose biteguwe)	= (gutunga batabishaka)
Gutuza (kumenesha)	=..... (gucisha make cg guha umuntu ikibanza)

**b) Andika izi nteruro ugaragaza ubutinde bw'imigemo n'imiterere
y'amasaku nk'uko wabigenje haruguru. (amanota 3)**

Duturane tudatongana, tutaryaryana, tworoherane, turangwe n'imbabazi,
ubumwe n'amahoro.

IGICE CYA GATATU: IMYANDIKIRE Y'URURIMI (amanota 5)

- 19. Kosora izi nteruro niba zirimo amagambo akosheje:** (amanota 5)
- a) ndagusanga i wanyu ni mugoroba tujyani kamembe. (amanota 2.5)
- b) mugabo yemezako mutarama na gashyantare ari amezi arangwa n'izuba mu bwanacyambwe. (amanota 2.5)

IGICE CYA KANE: IHANGAMWANDIKO (amanota 15)

- 20. Hitamo imwe mu nsanganyamatsiko zikurikira uyiramburemo umwandiko w'imiroongo 20 n'amagambo 200 yose hamwe nibura.**

- a)** Uhereye ku ngero enye zifatika erekana akamaro k'amahoro mu majyambere y'ighugu.
- b)** Umubano mwiza n'amahoro birajyana. Bitangire ingingo enye wihiityemo zerekeye umuryaango uvukamo, umudugudu wanyu, akagari kanyu, umurenge, akarere, intara, n'ibihugu bituranye.
- c)** Andika inyandikomvugo ku migendekere y'ibizamini by'uyu munsi n'Ikinyarwanda kirimo.

Kinyarwanda I

008

22/11/2012 8.30 -11.30 am

REPUBLIC OF RWANDA



RWANDA EDUCATION BOARD (REB)

**IKIZAMINI CYA LETA GISOZA ICYICIRO RUSANGE CY'AMASHURI
YISUMBUYE 2012**

IKIZAMINI : KINYARWANDA I

IGIHE KIMARA : AMASAHA 3

AMABWIRIZA:

- Ikizamini kigizwe n'ibice bine :
 - **Igice cya mbere:** Gusoma, kumva no gusesengura umwandiko (**amanota 38**)
 - **Igice cya kabiri:** Ikkibonezamvugo (**amanota 37**)
 - **Igice cya gatatu:** Imyandikire n'ubumenyi by'ururimi (**amanota 10**)
 - **Igice cya kane:** Ihangamwandiko (**amanota 15**)
- Subiriza mu ikayi yabugenewe wubahiriza itonde ry'ibibazo uko bikurikirana.
- Ibisubizo bigomba kuba bifututse kandi byuzuye.
- Ubujiwe rwose kugaragaza amazina yawe, ay'ishuri wigamo cyangwa ibindi bikuranga ku ihangamwandiko n'ahandi hose hatabugenewe ku ikayi y'ibisubizo.
- Gusiribanga, guhindagura no guhuza ibisubizo na mugenzi wawe cyane cyane ibipfuye bifatwa nko gukopera cyangwa gukopezwa.

UMWANDIKO: URUZI RW'AKAGERA

Si icyuzi, si akūuzi, si ikidendezi, si akagezi kanyonyomba kamwe kavogerwa, ni uruzi runini rutunze byinshi, rugahahira benshi. Abahanga bahamya ko rufite uburebure bwa kilimetro magana ane (km 400).

Akagera gafite amasōko abiri y'ingenzi : Rutovu ibyara Ruvubu bamwe bita Ruvuu mu Burundi na Rukarara ibyara Nyabarongo yaahuurâ n'Akanyaru bikiyubururamo Akagera. Kagabanya imbibi z'ibihugu bivandimwe by'u Burundi, u Rwanda, Tanzaniya na Uganda. Bityo ikibaya cy'Akagera gihuriweho n'ibyo bihugu uko ari bine byashyizeho umuryango ubihuza mu 1978 (OBK/KBO) bigamije gucunga neza ubukungu n'ibindi bikomoka kuri urwo ruzi n'ikibaya cyarwo. Indimi zihurirwaho rero ni izisanzwe zikoreshwa : igiswayire n'icyongereza.

Akagera koogooga amajyepfo y'u Bugesera, n'ay'i Gisaka kakiirasa ku Rusumo, amasumo yako yambukiranywa n'ikiraro kiduhuza na Tanzaniya cyubatswe muri 1972. Ugihagazeho yihera ijisho urwokotsi ruturuka ikuzimu yumva uko ayo mazi menshi ahooréra arûruma. Gakomeza mu nkengero z'imbuga y'Inyamaswa y'AKAGERA, ari ko gasakuma amazi y'ibiyaga Cyambwe, Naasho, Ihema, Mihindi, na Rwanyakizinga n'ay'imigezi Kamababa, Karangazi na Kizinga, Kagitumba - Muvumba yo mu Mutara. Ku ruhande rwa Tanzaniya, Akagera kaakiira amazi y'utuyaga twinshi, tubiri tw'ingenzi tukaba Bisongu na Mujunju. Ba mukerarugendo bakunda gusuura inyamaswa ahantu nyaburaanga habiri hazwi muri ako karere ka KAGERA, intara ya Mwanza : Pariki y'Ighugu ya RURIGI n'imbuga yitwa Rumanyika Orugundu game reserve.

Iyo kavuye ku Muvumba, kerekeza i Burasirazuba mu Karagwe (Tanzaniya), kakanyura ku mijyi ya Kagera port, ku cyambu cya Kyaka ari cyo cyonyine cyakira amato manini, kakanyura Kakindu kakinjira muri Uganda mbere yo kwiroha mu kiyaga VIGITORIYA (Victoria Nyanza- 69490 km²). Aho ni nko mu birometero mirongo ine mu majyaruguru ya Bukoba, umurwa mukuru w'akarere k'Akagera. Ba kavukire bo ku ruhande rwa Tanzaniya bacyita Ukerewe, izina ry'ikirwa kiruta ibindi muri icyo kiyaga; aba Uganda bakacyita Nalubale. Vigitoriya ryatanzwe n'ingeenzi y'umwongereza John Hanning Speke mu 1858; yakigezeho aratangara, acytirira umwamikazi w'Abongereza wariho icyo gihe, ari na we wari wamwohereje gushakashaka isoko ya Nili.

Ibiyaga twavuze bibamo amafi, imvubu n'ingona, utunyamásyo, ibihura, inzibyi, inzobe, n'izindi... Inyon i z' amoko atandukanye nk'imirambu, inyange, nyirabarazana n'izitunzwe no kuroba amafi. Inyamaswa zirarushooka rukazimara inyota. Abarobyi benshi barukesha amaramuko. Abahinzi bake batera imyaka ku nkengero zarwo; izuba ryakara bakavomerera. Akarere k'Akagera kararumbuka cyane: kera ibooke, keera ikawa, n'ibihingwa ngandurarugo nk'emyumbati, ibigori n'ibijumba. Abanyabukorikori baboha ibikoresho bikomoka ku mifunzo. Abaturiye

ikibaya cy'Akagera barahahirana, baracudika, bagashyingirana. Twibuke mu mateka ko Ruganzu Ndori yazahuye u Rwanda avuye mu bwihiho mu Karagwe k'Abahinda kwa Karemera Ndagara wari umugabo wa nyirasenge Nyabunyana.

Ni rwo ruzi ruruta izindi zose ziroha muri icyo kiyaga gisohokamo isoko idakama ya Nili, umugenzi ashobora kwitegereza ku rugomero Owen Falls i Jinja muri Uganda. Urwo rugomero rwubatswe mu mwaka wa 1954 kandi imijyi myinshi y'icyo gihugu n'inganda zacyo bikoresha umuriro urukomokaho.

Abanyarwanda bo hambere ntibari bamenyereye kurya amafi yo mu biyaga n'inzu, ariko bambukaga kenshi imigezi bagiye ahantu hatandukanye. Bamwe bageraga hakurya amahoro, banyiribago bakarohama cyangwa bagafatwa n'ingoona. Ni byo batebyaga mu bisakuzo bagira batí «Nagutera Rukara hejuru y'amazi» cyangwa ngo «Rurica ntiruhoorwa». Twibuke ya mvugo ngo «ambuka shahu rwarakamye (uruzi)!»

Cyangwa uyu mugani ugira uti «Umugezi uhuruye cyane (w'isuuri) urisiba». N'ubwo hari aho bita akagera inzoga ibishye, idasomeka, kunywa akagera ni ukurohama, ukicwa n'amazi yako.

I. IGICE CYA MBERE (amanota 38)

A. KUMVA NO GUSESENGURA UMWANDIKO (amanota 23)

N.B: Koresha amagambo yawe bwite. Ntiwandukure interuro z'umwandiko.

1. Andika amazina y'ibihugu bine (4)bihuriye ku ruzi rw'Akagera. (2)
2. Gereranya ubunini (ubūuso) bw'ikiyaga "Victoria" n'ubw'u Rwanda (26 338 km²) (1)
3. Akagera kisuka hehe? Erekana ko gafatiye runini uruzi rwa Nili. (2)
4. Tanga ingingo eshatu (3) zigaragaza aho ubukerarugendo mu kibaya cy'Akagera bushingiye. (3)
5. Urwo ruzi n'ibiyaga byarwo bimariye iki abarobyi n'abahinzi bakorera mu kibaya cyarwo? (2)
6. Andika amazina abiri y'imigezi (2) y'u Rwanda n'umwe w'u Burundi ibyara Akagera. (3)
7. Uhereye ku mwandiko garagaza amazina y'ibiyaga bine (4) byacu na bibiri (2) bya Tanzaniya bihoombokera mu Kagera. (3)
8. Akagera kagira icyambu kimwe gusa cyakira amato manini : ni ikihe? Ibyo birerekana iyihe ngorane kuri urwo ruzi? (2)
9. Umuryango wa OBK n'uwan'Afurika y'Uburasirazuba ihuriye he? Erekana indimi ebyiri (2) zikoreshwu mu ihahirana ry'ibihugu biyigize. (2)
10. Kwica ibisakuzo: Sakwe sakwe!
 - a) Nagutera Rukara hejuru y'urupfu wayimenya nkaguhemba. (1)
 - b) Rurūica ntīruhoorwā. (1)
11. Sobanura uyu mugani w'umugenurano: «umugezi w'isuuri urūisiba». (1)

B. INYUNGURAMAGAMBO (amanota 15)

**12. Koresha amagambo yawe bwite usobanura aya magambo
akurikira yakoreshejwe mu mwandiko.**

(13)

- a) Isuumo
- b) Icyuzi
- c) Ikidendezi
- d) umuvuumba
- e) Kunyônyoomba (umugezi)
- f) Kwîisuka
- g) Kunywa Akagera
- h) Gukêesha amaramuko
- i) Kururuma (amazi)
- j) Gusaanga rwarakamye (uruzi)
- k) Kwiheera ijisho
- l) Nalubale
- m) Kuruubira nka Rukarara

13. Andika impuzanyito z'aya magambo ziri mu mwandiko.

(2)

- a) Guhiindura uruhu n'isuûra (ku inzoka)
- b) Inkoombe z'uruzi
- c) Ibihingwa biramira urugo
- d) Kwêera cyane k'ubutaka

II. IGICE CYA KABIRI: IKIBONEZAMVUGO (amanota 37)

14. Andika uwoko bw'amagambo aciyeho akarongo. (10)

Aho hantu ni mu majyaruguru ya Bukoba, umurwa mukuru w'akarere k'Akagera. Ukerewe kiruta ibindi birwa byo muri icyo kiyaga, abagituriye bita Nyanza (inyanja).

Imbwa yabonye shebuja aguye mu ruzi iti «Abagira iyo bajya baragenda». Ibyobihugu bigamije kubyaza umusaruro ikibaya cy'Akagera.

15. Garagaza intêgo y'amagambo aciyeho akarongo n'amategeko y'igenamajwi yubahirijwe. (10)

Akagera si icyuzi cyangwa akuzi.

Iyo kavuye ku Muvumba kerekeza mu Karagwe.

Ibiyaga byako bibamo imvubu, imbogo n'imparage zirisha mu bibaya n'imirambi.

Akagera gasakuma amazi menshi.

16. Shyira mu bwinshi izi nteruro ebyiri zikurikira: (3)

Ubwato bunini buruta inzu nto.

Isoko y'amazi meza igomba kurindwa umwanda.

17. Andika ibicumbi by'amagambo aciyeho akarongo. (5)

Bamwe barohamaga abandi bambuka.

Indimi zikoreshwa muri ibyo bihugu ni igiswayire n'icyongereza.

UBUTINDE N'AMASAKU

- 18. a) Tandukanya amagambo yandikwa atya ukoresheje ubutinde bw'imigemo n'imiterere y'amasaku ugabanya ibimenyetso.**

(6)

Isoko (y'umugezi) ≠	(bahahamo)
Ikiraro (bambukiraho) ≠	(bororeramo)
Akarere (utuye cg ukoreramo)≠	(k'insina)
Umusambi (inyoni) ≠	(bategura)
Guhuza (gutera kuzinukwa) ≠.....	(gushyira hamwe)
Umuryango (w'inzu) ≠	(tuvukamo)

- b) Garagaza ubutinde bw'imigemo n'imiterere y'amasaku kuri iyi interuro.**

(3)

Akagera ni impuzamahanga: gafite amashami mu Rwanda, u Burundi na Tanzaniya.

III. IGICE CYA GATATU: IMYANDIKIRE N'UBUMENYI BY'URURIMI

19. IMYANDIKIRE YEMEWE Y'IKINYARWANDA

- a) Andika interuro ngufi ebyiri zirimo nibura amagambo ane (4) [yose hamwe] abonekamo igihokane -nshw-**
- b) Andikira inshuti yawe ubutumwa bugufi uyifuriza Noheri Nziza n'Umwaka mushya muhire, ariko usinye mu izina ritari iryawe.**

(2)

(8)

IV. IGICE CYA KANE: IHANGAMWANDIKO (amanota 15)

20. Hitamo imwe muri izi nsanganyamatsiko ebyiri uyivanemo umwandiko urambuye utari munsi yimirongo 25 n'amagambo 200 yose hamwe.

a) Andika ku mpamu ebyiri zituma wifuza guhindura cyangwa kuguma mu kigo wigagamo n'ebiri zerekana igituma wahisemo ishami wifuza kuzakomerezamo.

b) Imigezi, inzuzi n'ibiyaga byacu mubona bitumariye iki? Bitangire ingingo enye zifututse.

Ikinyarwanda I

014

03/11/ 2010 14.00-17.00

RWANDA NATIONAL EXAMINATIONS COUNCIL



P. O. BOX 3817 KIGALI -TEL/FAX 586871

IKIZAMINI CYA LETA GISOZA ICYICIRO RUSANGE
CY'AMASHURI YISUMBUYE 2010

IKIZAMINI : IKINYARWANDA I

IGIHE KIMARA : AMASAHA 3

AMABWIRIZA :

- Ikizamini kigizwe n'ibice bine :
Igice cya mbere: Gusoma, kumva no gusesengura umwandiko
(amanota 38,5)
- Igice cya kabiri: Ikibonezamvugo
(amanota 44)
- Igice cya gatatu: Imyandikire n'ubumenyi by'ururimi
(amanota 2,5)
- Igice cya kane: Ihimbamwandiko
(amanota 15)
- Ubahiriza itonde ry'ibibazo uko bikurikirana.
- Subiza muri make utarondogoye.
- Amazina yawe cyangwa ay'ishuri wigamo ntagire aho agaragara.
- Gusiribanga, guhindagura no guhuza ibisubizo na mugenzi wawe cyane cyane ibipfuye bifatwa nko gukopera cyangwa gukopezwa.

UMWANDIKO : U Rwanda n'ubukerarugendo

Dufite igihugu gito ariko cyiza cyane. Abakurambere bagize bati « Uwambaye ikirezi ntamenya ko cyera ». Iyo ubaye hanze ukagereranya u Rwanda n'ibihugu bikonja bikabije, bigirâ itumba rituma ibimera, inyamaswa, ibiguruka n'udusimba bibura ubuzima cyangwa n'ibigizwe n'ubutayu butamera ibiti n'ibyatsi, bitarangwamo amazi n'ubuhehere ni bwo wumva ko iwacu ari heza koko. Impeeshyi n'urugaryi ni byo bihe tugira ubushyuhe n'izuba ridakabije ugereranyije n'ibihe by'ibihugu bishyuha cyane. Na byo bikurura ba mukerarugendo.

Ubukerarugendo bwarahagurukiwe, ni imwe mu nkingi y'ingenzi mu iterambere n'ubukungu bw'ighugu cyacu. Nko mu mwaka wa 2009 bwinjije miliyon 175 z'amadolari y'amanyamerika. Amarembo yaraguwe pe : ikibuga cy'indege mpuzamahanga cya Kanombe gihora ari nyabagendwa cyirangwa n'uruuya n'uruza rw'abadusura. Ibya Kamembe, Rubavu na Musanze na byo niuko ku ndege ntoya. Igiteganywa kubakwa mu Bugesera cyo cyizesa umuhigo. Dufite RwandAir yunganirwa na kompanyi y'Ababirigi, iya Etiyopiya, iya Kenya, iyo muri Afurika y'Epfo n'izindi... Izo zose zidukura mu bwigunge.

No ku bashatse kunyura iy'ubutaka, imipaka irafuunguuye ; imihanda yacu izira ibinogo, abadusura barisanga. Barasasirwa bakaryama, bakagaburirwa, bagashira n'inyota, bakamarwa amatsiko n'urukumbuzi byombi.

Dufite imisozi n'udusozi, utununga, ibibaya n'imirambi itarambirana. Ni yo iranga u Burasirazuba n'agace kanini k'Amajyepfo. Umutara wacu ushashe neza, umera ibiti n'uduti, ibyatsi birebire nk'umukenke, umwirika n'urucaca. Mukerarugendo asanga icyanya kigari cy'Akagera, ari na ko kabyarwa n'Akanyaru na Nyabarongo. Isoko yayo ya kure ni Rukarara, Mwogo na Mbirurume; amaherezo yayo ni Nili na Mediterane.

Azihera ijisho inyamaswa z'ubwoko bwinshi: zirimo impara n'imparage, inyemera n'inumba, ifumberi, isasu, isatura n'isirabo, imbogo rwarikamavubi, impongo n'ingeragere intare, umwami w'ishyamba, ingwe n'urusamagwe, impyisi mahuma n'isega. Yirebere intwiga inaga ijosi ikarisha mu bushorishori bw'ibiti, inzovu rubunga, inkura zigiye gukendera, inguge nk'ibitera, inkobe, inkende n'izindi.

Ibiyaga byaho bitunze abarobyi, habamo kandi imvubu n'ingona. Inyoni nk'imirambi, inyange, inyombya, agaca, kagoma, igishwi, isandi n'izindi na zo ni nyinshi. Zose tuzirinde rushimus n'inkongi ya hato na hato.

Uwashimye ubushyitsi agashaka kurara Akagera Game Lodge iramwakira, akabona umwanya wo kwegera ibiyaga byaho nk'Ihema, Milindi,

Nasho, Hago, Rwanyakizinga, Kivumba na Cyambwe, kureba imigezi yaho nka Karangazi, Kamababa, Kagitumba n'Umuvumba.

Dufite imisozi n'udusozi mu Buganza bwa Muhazi, i Gisaka cy'i Migongo bazi gutona amabara amazu yabo kandi byarahitiriwe, icy'imirenge kirimo Mugesera na Sake. Uwo mushyitsi niyambukira mu Bugesera azahasanga Cyohoha zombi, Birira na Mirayi, anyure n'i NYAMATA yunamire abacu bazize jenoside y'abatutsi ya 1994.

Amayaga, Huye na Muhanga wirengagije ibisi na Ndiza na yo ni imisozi iciye bugufi. Kibeho ya NYARUGURU na yo ihuruza amahanga.

Imisozi miremire nyaburanga na yo turayifite mba mbaroga. Isunzu rya Kongo Nili riri mu Rutsiro. Izingiro ryayo ariko ni ibirunga hafi ya Uganda na Kongo. Ni igicumbi cy'ingagi zo mu misozi. Ni ho zisigaye ku isi yose. Iyo nguge ifatiye runini ubukungu bwacu, dore ko ishushanyije ku manoti. Dusigaye twihanukira kandi tuti "kanaka afashwe neza nk'icyana cy'ingagi". Ihuruza amahanga, abana bayo bakiwa izina uko umwaka utashye.

Aho mu majyaruguru azahasanga uruhererekane rw'ibirunga, byose ni umunani, ibyacu biba bitanu. Bidukingira umuyaga w'ishuheri, ishyamba rribitwikiriye n'ubutumburuke byabyo bikurura imvura, bikayungurura umwuka duhumeka. Bucura muri byo ni Muhabura (m4127), iyobora impabe zigataha i Rwanda. Hari Gahinga (m3474) na Sabyinyo (m3634); ibyo ishinyitse bifite inkomoko: abahaha bahamya ko ari cyo cyaboneye ibindi izuba, ni na cyo cyabirushije kwibasirwa n'isuuri. Bushokoro (m3711) bita Bisoke ni yo yirengereye ikiyaga kigari ku gasongero kayo. Karisimbi (m4507) ibisumba byose ihora yererana, ibuditse amasimbi n'ibicu by'urudaca. Bitinde bitebuke izaba isonga ry'itumanaho muri Afurika. Mikeno (m4437), Nyiragongo (m3470) imwe abasekuruza bacu baciraga kubamo abazimu babi bahora barwana bahanishijwe gushya, dore ko ihorana iseseme, ikavundereza Goma, na Nyamuragira ikayifasha. Ibyo uko ari bitatu bibarirwa i Kongo. Mbere y'uko agera ku Kivu uzamwereke Burera, Ruhondo, isumo, urugomero rwa Ntaruka na Mukungwa, ubuvumo bwa Musanze n'ibere rya Bigogwe. Azatembere i Kivu cyose, ave Rubavu mu Bugoyi, amanuke Karongi agere Rusizi. Umwerekere ibirwa n'uturwa, inkoombe, imyâaro n'ibyambu, ingomero za Rusizi n'amasumo ya Mururu, aho ruhombokera rugana Tanganyika.

Dufite amashyamba cyimeza ni urukererezabagenzi. Ayo ni Cyamudongo na Nyungwe, ku w'inka rwagati, azahasanga inguge zirimo ibyondi, impundu n'inkima zikimbagira. Aho bukera abaherwe ba Dubayi bazayihindura paradizo. Ikibaya cya Bugarama kirahebuje, kigana amashyuza ya Nyakabuye, amazi ashushye, avura indwara zitari nke z'imitsi, zirimo amavunane na rubagimpande. Na yo uzayasanga hafi y'iryo shyamba. Mukura na Gishwati na yo ni amashyamba cyimeza yari inzitane kera, agenda asatirwa n'abayakonda bakayahinga.

Abakerarugendo nibaze barisanga. Uretse ibyiza twarondoye, bakiranwa urugwiro, umutuzo n'umutekano usesuye.

- Dufite ibigo byazobereye gutegura ingendo mu gihugu.
- Amahoteri y'inzego zose arahari kuva kuri za Serena, 1000 Collines, Chez Lando, ... ukageza ku ayaciriritse.
- Amaresitora ateka neza iby'iwacu no mu mahanga n'amazu yo kwidagadura no kunyweramo arabategereje.
- Imodoka n'indege zo kubatembereza na zo zirahari.
- Aho banyura bigurira ibikoresho by'ubukorikori n'ibihangano bujyanye n'umuco wacu bibukiraho urugendo bakoze i Rwanda nk'uduseke, ingoma, amacumu atatse, ibihangano bikoze mu migwegwe, mu birere, ibabajije, ibitambaro bifumye cyangwa ibishushanyo.
- Amabanki n'amavunjiro abafasha kuvunja, kohereza no kwakira amafaranga arahari.
- Itumanaho iwacu ririzewe ntiribatenguha na rimwe.
- Ibigo n'amazu ndangamurage (Nyanza: Rukari na Rwesero, Butare, Nyarugenge) cyangwa ndangamateka (inzibutso nka Gisozi, Murambi, Bisesero, ...) na yo arahari.
- Intore, ababyinnyi n'abacuranzi bacu na bo bakereye kubakira. Bityo, nk'uko baca umugani ngo urugo ni urugendwa, tuvuge ngo "igihugu ni igisurwa". Mu rwego rw'Afurika y'u Burasirazuba twitegure kwamamara no kwinjiza akayabo k'amafaranga y'ubukerarugendo nka Kenya na Tanzaniya bimaze kubimenyera.

IGICE CYA MBERE

A. KUMVA NO GUSESENGURA UMWANDIKO

(amanota 24,5)

N.B: Koresha amagambo yawe bwite. Kwandukura interuro z'umwandiko bifatwa nko gukopera.

1. "Uwambaye ikirezi ntamenya uko cyera". Sobanura mu nteruro eshatu aho uwo mugani uhuriye n'umwandiko. **(amanota 2)**
2. Ingomero za Ntaruka na Rusizi zavuzwe mu mwandiko zimariye iki igihugu? **(inota 1)**
3. Andika amazina 4 y'ibirunga by'u Rwanda ubikurikiranye uko bisumbana. Bimaze iki mu bidukikije? Andika imimaro ine. **(amanota 4)**
4. Uhoreye ku mwandiko, garagaza amazina y'ibiyaga bibiri biri mu majyaruguru n'ibindi bibiri biri mu Bugesera n'imigezi (inzuzi) ibisohokeramo. **(amanota 3)**
5. Rukarara, Mwogo, Mbirurume na Nyabarongobihuriye he na Nili yo mu Misiri? **(inota 1)**
6. Ingagi zimariye iki igihugu cyacu? Umuhango wo kwita izina uwuziho iki? **(amanota 2)**
7. Uhoreye ku mwandiko, tanga impamvu ebyiri zisobanura imiterere y'ikirunga cya Sabyinyo. Twarinda dute imisozi kumera ityo? Tanga ibisubizo bibiri. **(amanota 3)**
8. Nyiragongo izwiho iki? Abakurambere bemezaga iki kuri Nyiragongo no kuri Muhabura? **(inota 1,5)**
9. Kuki pariki zazu tugomba kuzirinda abantu babiri: rushimus na rutwitsi? **(amanota 2)**
10. Kumenya indimi z'amahanga nk'icyongereza, igifaransa n'izindi bihuriye hehe n'ubukerarugendo? **(inota 1)**
11. Andika ibintu bine byorohereza ba mukerarugendo gutembera iwacu ubona mu mirongo 15 ya nyuma. **(amanota 4)**

B. INYUNGURAMAGAMBO

12. **Sobanura aya magambo akurikira yakoreshejwe mu mwandiko mu yawe bwite.** (amanota 12)

- a) Kwagura amarembo
- b) Inkōongi
- c) Gushira urukumbuzi
- d) Impeēshyi
- e) Icyondi
- f) Amashyuūza
- g) Igicumbi
- h) Kuba nyabagendwa (inzira)
- i) Gufatwa nk'icyana cy'ingagi
- j) Impabē
- k) Ubuvumo
- l) Gutenguhua

13. **Andika impuzanyito z'aya magambo ziri mu mwandiko.** (amanota 2)

- a) Umuhererezi
- b) Umwami w'ishyamba
- c) Bihehe
- d) Rwarikamavubi

IGICE CYA KABIRI: IKIBONEZAMVUGO

14. **Andika ubwoko bw'amagambo aciyeho akarongo.** (amanota 10)

- a) Dufite igihugu gito ariko cyiza cyane.
- b) Urugo rwabo rurangwa n'uruuya n'uruza rw'abashyitsi.
- c) Azabona ifundi, inyange n"izindi nyoni nyinshi zo mu ishyamba.
- d) Abanyarwanda bati "kugenda bitera kubona".
- e) Ikibuga mpuzamahanga cya Kanombe cyakira indege za rutura.

15. **Garagaza intēgo y'amagambo aciyeho akarongo n'amategeko y'igenamajwi yubahirijwe.** (amanota 11,5)

- a) Uwo murambi umera uduti tugororotse n"ibyatsi birebire.
- b) Imigongo yaho ni imitako yitiriwe ako karere.
- c) Ingenzi zaguze ibikoresho by'urwibutso rw'urugendo rwabo mu Rwanda.
- d) Muri Nyungwe haba ibyondi, ibitera n"impundu.

16. **Andika ibicumbi by'amagambo aciyeho akarongo.** (amanota 7)

- a) Impeêshyi twita icyî ni igihe gishyuha cyane.
- b) Barasasirwa, bakarya, bakanya.
- c) Imyidagaduro n'ugutembera byinjiza amafaranga menshi.

17. **Garagaza inteko z'amazina, ibinyazina na ntera wongereho ngenga ku nshinga zitondaguye.** (amanota 7)

- a) Impara n'imparage zirisha hamwe ubwatsi butoshye.
- b) Dufite udusozi turyoheye ijisho, imbyino n'indirimbo zacu na zo ziryoheyeye ugutwi.

18. **UBUTINDE N'AMASAKU**

a) **Tandukanya amagambo yandikwa atya ukoreshheje ubutinde bw'imigemo n'imiterere y'amasaku ugabanya ibimenyetso.** (amanota 6)

- Inzusi (z'ibihaaaza n'ibicumâ) ≠ (zitemba)
- Isasu (inyamaswa) ≠ (barashisha imbunda)
- Guhishira (by'imbuto zeze) ≠ (kutavuga amakosa y'umuntu)
- Umusare (wambutsa) ≠ (imfunira, igikomere, inkovu)
- Gucanira (kumurikira) ≠ (inkono cyangwa gukubita)
- Kuyaga (gushonga, gushashagira) ≠ (kwifatanya n'uwapfushije)

b) **Garagaza ubutinde bw'imigemo n'imiterere y'amasaku kuri iyi nteruro.** (amanota 2,5)

Amashyamba cyimeza nka Cyamudongo, Nyungwe, Mukura, Gishwati akurura ba mukerarugendo.

IGICE CYA GATATU: URURIMI N'IMYANDIKIRE

19. **IMYANDIKIRE YEMEWE Y'IKINYARWANDA**

- a) Andika amagambo ane (4) arimo igihekane /mbyw/ uyakoreshhe mu nteruro enye ngufi. (amanota 2)
- b) Ku giti cyawe kuki wiga Ikinyarwanda? Bikumariye iki? Bitangire ingingo ebyiri. (igice cy'inota: 0,5)

20. Hitamo imwe muri izi nsanganyamatsiko ebyiri uyivanemo umwandiko urambuye utari munsi y'imirongo 25 n'amagambo 200 yose hamwe.

- IGIHUGU NI IKIGENDWA.
- INGENDO, AMATEKA, AMAKOSA YACU, IBYAGEZWEHO N'ABANDI BISHOBORA KUTWIGISHA.

Icyitonderwa:

- ✓ Garagaza ingingo enye (4) ku nsanganyamatsiko wahisemo mbere yo kwanzura.
- ✓ Kirazira kwandika amazina yawe cyangwa ay'ishuri wigamo.

Kinyarwanda III

INAMA Y'IGIHUGU ISHINZWE IBIZAMINI

091

16 Nov. 2005 - 14h00-17h00



B.P 3817 KIGALI-TEL/FAX : 536871

IKIZAMINI CYA LETA GISOZA ICYICIRO RUSANGE CY'AMASHURI YISUMBUYE 2005

IKIZAMINI : IKINYARWANDA III

URWEGO : ICYICIRO RUSANGE

IGIHE KIMARA : AMASAHIA 3

AMABWIRIZA :

Ikizamini kigizwe n'ibice bine :

Igice cya mbere : Kumva no gusesengura umwandiko (amanota 30,5)

Igice cya kabiri : Ikkibonezamvugo (amanota 44,5)

Igice cya gatatu : Imyandikire y'ururimi (amanota 10)

Igice cya kane : Ihimbamwandiko (amanota 15)

Amanota yanditse imbere ya buri kibazo. Ubahiriza itonde ry'ibibazo uko bikurikirana.

Ibisubizo bigomba kuba bifututse kandi byuzuye, nta kurondogora.

Ireme, n'intego bigomba gutungana.

Kirazira kwandika izina ryawe cyangwa iry'ikigo wigamo mu gice cy'ihimbamwandiko.

Siga umwanya wandikwamo amanota.

Gusiribanga bitwarirwa amanota.

N'IMIRUMBIRE YABA IYA NTENYO !

Uyu mugani umuntu awuca iyo agobotswe n'amaburaburizo abandi bahinyura, agashobora kugoragoza icyari kimubangamiye; ni bwo agira ati : "Nimirumbire yaba iya Ntenyo !" Wakomotse ku ingarisi zo mu Buganza (Kibungo); ahagana mu mwaka w'I 1800.

Mu rwimo rwa Yuhi Gahindiro, mu Rwanda hateye inzara kirimbura; bayita Rukungugu : amapfa aracana, ibintu biradogera impande zose z'u Rwanda : amapfa aracana mu Buganza, aracana mu Mutara, aracana mu Rukiga rwa Byumba, arasesura mu Rukaryi n'u Bwanacyambwe; mbese utwo turere turarimbuka. Ibintu bimaze kuyoberana, abagabo babiri bo mu Buganza bacitse ku icumu, bumva bavuga ko i Bumbogo bwa Mbirima na Matovu (Rushashi) hagikanyakanya. Barikora n'abana n'abagore babo baboneza basuhukiye; bagezeyo basanga Abambogo na bo bahonda inguuri. Babikubise amaso barumirwa; baribaza, bati "Tubikitse dute ko tutabona icumbi kandi ntidufunguze ! Tubaye abande ?"

10 Bigeze aho baragenda biroha mu rugo rw'umukecuru w'umupfakazi wari aho mu Bumbogo bamutunguye bakubita urugi, bamugezeho bamwaka icumbi. Umukecuru arababwira, ati "Ndabaha indaro ariko nta funguro mubona na twe turicira isazi mu maso". Baracumbika ariko barara bagera ijoro. Babaza wa mukecuru, bati "Mbese ntiwatumenyera u Rwanda rwaruta urundi ?" Umukecuru ati "Numvise ko hakurya aha ku Ndiza no mu Buriza hapfuye gukanyakanya, ariko jyeweho nabuze intege zangezayo". Abagabo barita mu gutwi. Bukeye baradogagira bambuka Nyabarongo bafata ku Ndiza. Bagezeyo basanga hari hanyuma y'ibibi byose. Ni bwo bigiriye inama, bati "Aho gupfa uru nimuze dusindagire dusubire inyuma twirohe muri Nyabarongo !" Abagore babo babyumvise, barababwira bati "Nimugende mwenyine ntitwatinyuka kwihekura, kwirohera abana batazi icyatsi n'ururo kandi bagifite ubugingo."

20 Mu gihe bakivuga, bumva abandi badari bayuga bati "Tugiyе ku Ntenyo ngo bejeje uburo, ubu baragesa wenda twahabona amaramuko !" Babandi bati "Natwe nimuze tujyeyo, tuhace inshuro none twazarokoka !" Baboma mu nyuma bafatanya urugendo.

30 Nuko bikoma abo badari bandi, baradogagirana bataha mu Marangara bukeye barasindagira bagera ku Ntenyo; batungukira ku murima w'uburo bwa Mirenge. Bakibukubita amaso, ntibirirwa babaza, biroha mu murima n'abagore n'abana babugwamo urwuba. Ubwo bawugezemo, abarinzi babwo bagannye imuhira, kwica isari ariko kandi n'ubwo buro bukaba bwararumbye bweze ibitarutaru. Bamaze kubugeramo, baratangira barahkenya. Igihe binikije bashishibuza baryana uburo n'umurama, abarinzi babatungukiraho barabafata. Bagiye kubakubita, baratinja, bati "Tutabahuhura bakatugwaho, ahubwo nimuze tubashyire Mirenge abitegekere !" Barashorerana no kwa Mirenge, babagezayo ibyanga byabarenze. Mirenge abakubise amaso abaza abarinzi, ati "Aba bantu ibyanga byarenze none ntibamariyeho twa turumbaguzwa tw'uburo !" Abandi bati "Ese wowe amaso ntaguha ?"

40 Ba badari bumvise Mirenge yise bwa buro uturumbaguza, batera hejuru, bati "Nimirumbire yaba iya Ntenyo !" Ubwo bashakaga kumwumvisha ko rita handi mu Rwanda wabona uburo nk'ubwo ku Ntenyo. Abantu bari aho babyumvise babagirira impuhwe, na Mirenge arazibagirira, ndetse abashyira iwe bacayo inshuro barazanzamuka, bukeye bazana akabiri barakira.

Nuko umugani utangira ubwo, umuntu yaba amaze gushoberwa akagobokwa n'akantu k'amaburaburizo abandi bahinyura, agashobora gukika icyari kimwugarije, noneho we akagira ati : "Nimurekere iyo, nimirumbire yaba iya Ntenyo !" - Imirumbire ya Ntenyo = amaburaburizo.

IGICE CYA MBERE

A. KUMVA NO GUSEENGURA UMWANDIKO (amanota 15,5)

N.B : Subiza ukoresheje amagambo yawe bwite. Kwandukura interuro cyangwa igice cyayo bifatwa nko gukopera.

1. Andika amazina y'uturere dutatu (3) abashonji b'i Buganza bagiye guhahiramo ? (1,5)
2. Dore izina bwite ry'umukungu w'imyaka wari utuye ku Ntenyo. Yabaye imvano y'inshoberamahanga ikurikira (1)
3. Umukecuru w'umumbogo yabemereye iki ? Yabahakaniye iki ? (1)
4. Sobanura iyi mvugo mu nteruro y'umurongo umwe : Ese mukecu "Ntiwatumenyera u Rwanda rwaruta urundi ?" (1)
5. Abashonji bambuka Nyabarongo bigiriye inama zinyuranye. Abagabo bifuzaga iki ? Abagore babyifashemo bate ? (2)
6. Kuki ibyanga byaâreenze abashonji bagitunguka ku Ntenyo ? (1)
7. Abarinzi b'umurima bari bagiye hehe ? Kuki birinze gukubita abo bashonji ? (2)
8. Mirenge yahanishije iki abari bamwibye ? Abadari bahise bemererwa iki ? (2)
9. U Rukaryi n'u Bwanacyambwe bivugwa mu magambo mu mwandiko bibarirwa ubu mu ntara yihe ? (1)
10. Erekana umuco mwiza w'Abanyarwanda wagaragajwe n'uwo mukecuru w'umupfakazi wo mu Bumbogo. (1)
11. Uyu mwandiko ni bwoko ki ? Kubera iki ? urangira ute ? (2)

B. INYUNGURAMAGAMBO

12. SOBANURA AYA MAGAMBO AKURIKIRA DUSANGA MU MWANDIKO

(amanota 12)

- a) ingâariisi
- b) kuruumbaguza
- c) kwicira isazi mu maso
- d) kugera ijoro
- e) kudôogarira
- f) kugwa urwûubâ
- g) gushîishiбуза
- h) kugêsa (uburô)
- i) integê (inyito ebyiri)
- j) ibitarûtaru
- k) kutamenya icyatsi n'ururo
- l) kwîheekuura

C. IMPUZANYITO

13. UHEREYE KU MWANDIKO

andika amagambo asobanura kimwe.

(amanota 3)

- a) Abashonji bamaze guhembuka, bagumye kwa Mirenge bahingira ibiribwa : ba.....
- b) Kwiyica mu kinyarwanda cyiza bavuga ko ariguta umuntu mu ruzi (nka Nyabarongo) ni
- c) Igaburo baryita kandicyangwacyangwa

IGICE CYA KABIRI : IKIBONEZAMVUGO

14. Andika ubwoko bw'amagambo akurikira aciyeho akarongo.

(amanota 8)

- a) Hashize iminsi mike, hatera inzara kirimbuzi yitwaga Rukungugu; ikava hamwe ijya ahandi hantu.
- b) Nq bo baramutakira bati "turicira isazi mu maso"
- c) Tugomba kwita ku bapfakazi, imfubyi n'ibimuga.

15. Garagaza intēgo z'amagambo aciyeho akarongo n'amategeko y'igenamajwi yubahirijwe (mu mpine).

(amanota 14,5)

- a) Twagenza dute kugira ngo ducumbike kandi dufunguze
- b) Ni abana batazi icyatsi n'ururo ariko bakeneye kuramba.
- c) Babageza yo ibyanga byabarenze ariko baahéembuutse.
- d) Bakubise izo inzugi, umukecuru yumva indiishyi akangukira hejuru.

16. Andika ibicumbi by'amagambo aciyeho akarongo.

(amanota 5)

- a) Hateye inzara kirimbura, ibintu biradogera impande zose.
- b) Abagabo barita mu gutwi.
- c) Nuko bumva abavuga ko mu Marangara hari amahaho.
- d) Biirara muri bwâa buro, baburira kubumara.

17. Andika inteko ku mazina, ibinyazina na ngenga ku nshinga byaciweho akarongo.

(amanota 6)

- a) Ni bwo bagiye inama bati " aho gupfa nimuze twinage muri Nyabarongo"
- b) Natwe ntacyo turya hano nibucya turasuhuka.
- c) Tugije ku Ntenyo ngo bejeje uburo

18. UBUTINDE N'AMASAKU

- a) Tandukanya amagambo yandikwa atya ukoresheje ubutinde bw'amagambo n'imiterere y'amasaku ariko ugabanya ibimenyetso.
- (amanota 6)
- umudari (umushonji) ≠.....(wambarwa mu gatuza cyangwa mu ijos)
 - gutungura (utateguje) ≠.....(kuzana, ...)
 - kumira (gutinda ahantu) ≠.....(buuguri)
 - gufungura (kurya) ≠.....(urugi, idirishya)
 - Mirenge (akarere k'imisozi migifi) ≠.....(wo ku Ntenyo)
 - uburiza (urubyaro rwa mbere) ≠.....(akarêerê ka Kigali Ngali)

- b) Garagaza ubutinde bw'imigemo n'imiterere y'amasaku ugabanya
ibimenyetso muri iyi nteruro .

(amanota 5)

Umukecuru ati : "Bana ba, numvise ko hakurya ya Nyabarongo no ku Ndiza hapfuye gukanyakanya ariko jyewe nabuze intege nanje zangezayo."

IGICE CYA GATATU : IMYANDIKIRE Y'URURIMI

19. Imyandikire yemewe y'Ikinyarwanda .

(amanota 10)

a) Inyuguti ya l'ikoreshwa ahantu habiri hakurikira :

Tanga urugero rumwe kuri buri ngingo uko ari eshatu.

(3,5)

b) Tanga urugero rw'amagambo atatu (3) arimo igihekane /tsw/

(1,5)

c) Kosora iyi nteruro ukurikije imyandikire yemewe :

Abadali bavuye mubumbogo bajya mu turere tw'intara ya gitarama yubu, ariko badogagira, arindembe, bagobokwa nuburo bwamirenge. Babubonye bati « yo. mureke turye twikure pe." Nuko babugwa mo urwuba Bose barahamyira.

IGICE CYA KANE : IHIMBAMWANDIKO

(amanota 15)

Hitamo imwe muri izi nsanganyamatsiko ebyiri (2) zikurikira uyivanemo umwandiko muremure ufile imirongo 25 y'amagambo umunani (8) umwe umwe.

20. Uhoreye ku mutwe w'uyu mwandiko uvuga iby'imirumbire y'umurima w'uburo, andika ku mpamvu enye (4) zishobora gutuma umunyeshuri atsindwa n'ingamba yafata kugira ngo atagwirwa n'ryo shyano.

21. Muri iyi myaka umaze mu cyiciro rusange, andika ku masomo abiri washimye n'impamvu ziyagukundisha n'abiri udashamadukiye n'impamvu zabyo.

N.B : Kirazira kugaragaza amazina yawe cyangwa ay'ikigo wigamo.

Blank page

Blank page

BLANK PAGE

Kinyarwanda IV

092

06 Oct 2004 14h00 – 17h00



B.P. 3817 KIGALI - TEL/FAX : 586871

**IKIZAMINI CYA LETA GISOZA ICYICIRO CYA KABIRI
CY'AMASHURI YISUMBUYE 2003/2004**

IKIZAMINI : IKINYARWANDA IV

URWEGO : ICYICIRO RUSANGE

IGIHE KIMARA : Amasaha 3

AMABWIRIZA :

Ikizamini kigizwe n'ibice bine :

- Igice cya mbere : kumva no gusesengura umwandiko **(amanota 34)**
- Igice cya kabiri : Ikitonezamvugo **(amanota 35)**
- Igice cya gatatu : Imyandikire y'ururimi **(amanota 11)**
- Igice cya kane : Ihimbamwandiko **(amanota 20)**
- Amanota yanditse imbere ya buri kibazo.
- Subiriza mu ikaye yateganyijwe.
- Ibisubizo bigomba kuba bifututse kandi byuzuye.
- Ireme n'intégo bigomba gutungana.
- Kirazira kugaragaza izina ryawe cyangwa iry'ikigo wigamo ku ihimbamwandiko.
- Gusiribanga bitwarirwa amanota.

UMWANDIKO

BIHEHE N'IHENE

Mbacire umugani wa Bihehe n'ihene. Izuba ryaracanye, amapfa aratera, ibantu biradogera. Abantu na bo babura hirya no hino. Bamwe batangira gusuhuka no gushaka aho bipfurika. Ibyatsi n'ibiti biruma, biragwengera, amasôoko n'amariba arakama. Ibitungwa bibura icyo birya, birasonza, bitangira gupfa umusubirizo. Muri icyo gihe cy'izuba, bakajya guhaha aho imvura igwa.

Hakabaho isekurume y'ihene ikitwa Ruhaya. Ikarangwa n'icyanwa kirekire n'ibihembe byigondoye. Ibwira izindi hene zose iti " Nimuze twimuke tujye guhaahira muri ririya shyamba rigwamo imvura; turishe ubwatsi butoshye. Iki gihugu nigikira tuzagaruka mu bantu." Ihene zose ziti " Ni uko, ejo tuzagenda, inkoko ni yo ngoma."

Ruhaya iti " Nyabuna, murakomeze umugambi, muyirare ku kababa ejo muzazinduke mu ruturuturu, hakiri amafu" Buracya, ihene zose zirakorana, ziragenda, Ishyamba zirarimena. Zigejeje ku gicamunsi, imvura iradobeka. Ihene zijya gushaka ubwugamo. Zibona iseenga, yari mu rutare, Mahuma yabagamo. Ruhaya izijya imbere. Impyisi izibonye iti " Murakaza neza mboga zizanye." Ihene zirugama, ariko zifite ikidodo, igitima kidiha. Impyisi ibonye ko Ruhaya yuza, irayibaza iti " Mbese uraryu uduki?" Ruhaya iti " Ndarya utungucenge " Impyisi iti " urampe nanje numve" Ruhaya iti « Hinga ngutumirire, bakuzanire nawe bukugereho » Nuko Ruhaya ikurebera inyagazi nto n'amashashi y'ihene yose, iti « Bana banjye, mwumve icyo ngiye kubatuma : ndashaka yuko mujya guca umuti wa mperezayo » Ziragenda zirahera.

Hahita umwanya munini. Ruhaya ibwira impyisi iti " Urabizi, natumye abana b'ibizeêze. Hinga nohereze izindi zijiye kukuzanira utungucenge" Ikurebera ihene z'amariza izibayaye ubuheta, n'ubwagazi bwa 3, irazibwira iti " Nimugende mujye kuzana umuti wa mperezayo." Ziragenda ziherayo. Impyisi igategereza, yaheba ikabwira Ruhaya iti " Ohereza izindi, zazindi zatinze" Ruhaya yari izi ko impyisi ishaka kurya abana bayo na za nyina. Ni ko kubwira impyisi iti " Reka nzohereze zose kureba ko imvura igenza amaguru make cyangwa se ko yahise rwose" Ibwira iz'amajigija n'amabuguma zari zisigaye iti " Nimuze mbatume" Ihene ziza zose. Irazibwira iti " Nimugende namwe muncire umuti wa mperezayo" Ziragenda zigumayo. Ruhaya imara umwanya iti " Yewe, ngiye kurora aho imvura igeze, maze nzihamagare zize zigusezereho nibura, dore zatinze" Impyisi iti " Genda uzihamagare nuzibura, ndakurya nta kabuza" Ruhaya iragenda, yihamagaza ubusa, ibura icyayitaba; yigira hirya, irahamagara, yitabwa na nyiramubande. Irakomeza iragenda. Aho bigeze irashibura iriruka, irashwekura. Impyisi biyanga mu nda, ihubuka mu isenga ibona Ruhaya hakurya.

MAHUMA na yo ishyira nzira, amaguru iyabangira ingata, reka si ukwiruka ica ibiti n'amabuye. Ruhaya iza gukebuka inyuma, ibona Nyarupyisi irabubuta inyuma yayo. Ikuramo na yo. Impyisi irayibwira iti " Ntunsiga uraanjwa." Biriruka bimara imisozi bifatira indi. Biba bisingiriye ingo. Bihehe iti " Genda shahu, umpenze ubwo, ntuzongera kumpenda ubundi. Haba ku manywa nkurye; haba njoro nkurye; haba mu gitondo nkurye. Turi kumwe na burya bwa ryari!" Ruhaya na yo iti " Tyaza amenyo ngo uzarya Ruhaya!" Impyisi irataha, igenda ifite umujinya, irakariye Ruhaya. Uko yibutse ibyayo, igakubita agatoki ku kandi. Itinda mw'isenga ryayo. Igeze aho iti " Ngiye kurora Ruhaya" Iraza mu gitondo cya kare. Igera ku ngo z'abantu, igihe agasusuruko kamaze gukwira. Maze isanga Ruhaya iziritse ku musoto w'ikigega. Iravuga iti " Si jye wagushyikira. Mbese noneho, Ruhaya, ko nkwfatiye, urankizwa n'iki ? " Ruhaya iti " Uramaze, undye uko ushaka nta mbabazi nkawaka. » Impyisi iti « Ongera umpende ubwenge nka mbere, shahu we ». Ruhaya iti « Noneho wanyizigiye, sinjya kureba ngo mbeshye, usanje mboshye. Uranyica nta kabuza ibyo ndabiruzi. Ariko ureke tubanze kwivuga, ni ko abashaka kurwana babigenza." Impyisi iti " Yego, wakwivuga ugiye gupfa, nkanswe jye ugiye kukurya ! " Ruhaya irivuga iti " pfu....pfu....mee...bee... » Impyisi na yo iti « Hm...Hm...Hm.... » Abantu barumva barahurura, basanga itararangiza kwivuga. Barayigota, bayita hagati, bayivuza amahiri, ipfa ityo. Impyisi ishira amenyo ntishira amerwe. Umwana ukinisha undi amuheka mapyisi. Ibihaânga bibiri ntibitekwa mu nkono imwe. Usuzugura akagabo kakakurisha ivu.

IGICE CYA MBERE.**A. KUMVA NO GUSESENGURA UMWANDIKO**

(amanota 15)

1. Uyu mugani urangira ute ? (*Impyisi byayigendekeye bite ? wikuwandukura umwandiko uko wakabaye.*) (1)
2. Amapfa avugwa mu mwandiko yatewe n'iki ?
Andika izindi mpamvu 3 wihietyemo zishobora guteza inzara mu gihugu. (2)
3. Bihehe imaze guhemukirwa no gutorokwa na Ruhaya, yongeye kuyisanga hehe ? Imerewe ite ? (1)
4. Ruhaya n'izayo zose zasanze impyisi hehe ?
Zari zizanywe n'iki ? (1)
5. Andukura interuro igaragaza ibyishimo by'impyisi ibonye ihene ziyanze iwayo, unayisobanure. (1,5)
6. Ruhaya yabeshye Bihehe ko yaryaga iki yuuza ?
Yayiciraga ayahe marenga ? (2)
7. Garagaza amatsinda 3 y'ihene Ruhaya yohereje n'ibigero binyuranye byari biyagize. (1,5)
8. Ruhaya yakijijwe n'iki impyisi yari iyirukanye ishaka kuyirya ? (1)
9. Uyu mugani mugufi " Ibihanga bibiri ntibitekwa mu nkono imwe " uhuriye hehe n'uju mwandiko ? Wusobanure mu nteruro imwe. (2)
10. Hari imvugo imenyerewe ngo " Kanaka yangiriye impuhwe nk'iza Bihehe " Ese urumva iyi mpyisi yaragiye gusura Ruhaya kubera urukundo n'urukumbuzi yari iyifitiye? Sobanura igisubizo cyawe mu nteruro imwe. (1)
11. Muri rusange, umugani utangira ute ? Urangira ute ? (1)

B. INYUNGURAMAGAMBO**12. Sobanura aya magambo akurikira.**

(amanota 12)

- a) iseenga (y'inyamaswa) (1)
- b) Kugenza amaguru make (imvura) (1)
- c) Guca umuti wa mperezayo (1)
- d) Ubwâagazi (1)
- e) Umusoto w'ikigega (1)
- f) Gusuhuka (1)
- g) Kubaangira amaguru ingata (1)
- h) Gukubitira umuntu agatoki ku kandi (1)
- i) Guheeka mapyisi (1)
- j) Inyâgazi (1)
- k) Kuyirara (isake) ku kababa (1)
- l) Guca ibiti n'amabuye (1)

C. IMPUZANYITO

13. UHEREYE KU MWANDIKO NO KU BUMENYI BWAWE BW'URURIMI,

- Andika amagambo ahuje inyito n'aya akurikira :** (amanota 4)
- a) Imfizi y'ihene yitwa cyangwa.....
Imfizi y'intama bayita.....
Imfizi y'inkoko yitwa.....
 - b) Mu mwandiko impyisi bayita..... cyangwa..... (2)
 - c) Ihene zibyaye ubwa 2 bavuga ko zibyaye..... (1)
Izibyaye ubwa mbere bazita..... (1)

D. IMBUSANE

14. Andika imbusane z'aya magambo :

- a) kugwengera (ibyatsi n'ibiti) ≠..... (amanota 3)
- b) gushyira nzira ≠..... (0,5)
- c) abaana b'ibizeēze ≠..... (0,5)
- d) haâkurya ≠..... (0,5)
- e) gutiinda (kumara igihe kirekire) ≠..... (0,5)
- f) kuzirika (ku musoto w'ikigega) ≠..... (0,5)
- (0,5)

IGICE CYA KABIRI : IKIBONEZAMVUGO

15. Andika uwoko bw'amagambo akurikira aciyeho akarongo

(amanota 6)

- a) Tujye guhahira muri ririya shyamba rigwamo imvura.
- b) Ruhaya na yo iti " Ejo muzaze mu ruturuturu".
- c) Yohereza inyagazi nto n'amashâashi.

16. Garagaza intego z'aya magambo aciyeho akarongo n'amategeko y'igenamajwi yubahirijwe (mu mpine).

(amanota 10)

- a) Ruhaya iti " ubwo undeba ubu ndarya utungucenge"
- b) Ariko zâa ziindî zâatiinze.
- c) Imvura yaahise rwose.
- d) Ruhaya iti " Noneho ndagukizwa n'iki ko usanze mboshye ?"

17. Andika ibicumbi by'izi nshinga zitondaguye.

(amanota 5)

- a) Uranyica ibyo ndabiruuzi
- b) Ndaje nanjye umpe ku tungucenge
- c) Nimugende namwe muncire umuti umvûura.

18. Andika inteko cyangwa ngenga z'amagambo aciyeho akarongo. (amanota 4)

- a) « Genda shahu, umpenze ubwa none »
- b) « Haba ku manywa nkurye »
- c) « Naho ihene zirayisiga zose »
- d) Ohereza izindi, zaâ zindi zatinze

19. UBUTINDE N'AMASAKU

(amanota 10)

- a) Tandukanya amagambo yandikwa atyo ukoresheje ubutinde bw'imigemo n'imiterere y'amasaku ariko ugabanye ibimenyetso. (5)

- guhuma (amâaso) ≠..... (impyisi)
- guhera (amasaka) ≠.....(kubûra burundu)
- gutuma (kohereza) ≠.....(ivû cyangwa isaazi)
- gushyira (nzira) ≠..... (umuuntu ikiintu)
- (hakiri) amafu (amatôondotôondo) ≠.....(y'amasaka n'imyumbati)

- b) Garagaza ubutinde bw'imigemo n'imiterere y'amasaku ugabanya ibimenyetso muri iyi nteruro ngufi.

(amanota 5)

Bihehe igeria ku ngo z'abantu, igihe agasusuruko kamaze gukwira. Maze isanga Ruhaya iraritse icyanwa, iziritse ku musoto w'ikigega.

IGICE CYA GATATU : IMYANDIKIRE Y'URURIMI**20. Imyandikire yemewe y'IKINYARWANDA.**

(amanota 11)

- a) Amagambo y'undi asubiwemo akikizwa n'iki ?
Tanga urugero rw'interuro ngufi. (2)
- b) Akabago cyangwa akadomo kamara iki mu nteruro ?
Tanga urugero rw'interuro ngufi. (2)
- c) Agatangaro gakoreshwa ku buryo bubiri. Ni ubuhe ?
Tanga urugero rw'interuro itarenza umurongo umwe bikubiyemo bwombi. (3)
- d) Kosora izi nteruro ukurikije imyandikire yemewe.
impyisi iti : haba mu gitondo, ni mugoroba cyangwa n'ijoro, ejo bundi tuzabonanape nuko ihiga ruhaya kuva mugushyingo kugera mu kuboza kugirango iyirye. (4)

IGICE CYA KANE : IHIMBAMWANDIKO

(amanota 20)

Hitamo imwe muri izi nsanganyamatsiko 3 zikurikira uyivanemo umwandiko muremure ufite imirongo 25 y'amagambo 8 umwe umwe.

21. Indyarya ihmwa n'indyamirizi (nka Bihehe na Ruhaya). Tanga ingero 4 z'ihe wawukoresha mu buzima bwawe bwa kinyeshuri.

22. Abarezi bashimishwa n'abana b'abahanga, bitonda, bibwiriza kandi bakunda umurimo.

23. Andika ku mpamvu 4 zatuma usaba uruhusa rwo gusiba amasomo n'uko abakurera bamagana ikinyoma iyo ubabeshye urûsaba.

BLANK PAGE

BLANK PAGE



B.P. 3817 KIGALI - TEL/FAX : 86871

**IKIZAMINI CYA LETA CY'AMASHURI YISUMBUYE
2002/2003**

IKIZAMINI : KINYARWANDA V

URWEGO : ICYICIRO RUSANGE

IGIHE KIMARA : Amasaha 3

AMABWIRIZA :

Ikizamini kigizwe n'ibice bine :

Igice cya mbere : kumva no gusobanura umwandiko **(amanota 35)**

Igice cya kabiri : ikibonezamvugo **(amanota 40)**

Igice cya gatatu : ubumenyi rusange bw'ururimi **(amanota 5)**

Igice cya kane : ihmbazamwandiko **(amanota 20)**

Amanota yanditse imbere ya buri kibazo.

Subiriza mu ikaye yabugenewe

Ibisubizo bigomba kuba bifututse kandi byuzuye.

Ireme n'intego bigomba gutungana.

Kirazira kugaragaza izina ryawe cyangwa iry'ikigo wigamo mu ihmiba mwandiko.

N'AHO MISEKE NDARWANYA !

- 1 Uyu mugani umuntu awuca iyo abangamiwe n'ingorane bikarimbanya; ni bwo abona ko agiye guseba agakorwa n'ikimwaro, noneho akihagararaho agira ati "N'aho Miseke ndarwanya !" Wakomotse kuri Miseke w'i Nyabimata ho muri Nshiri (Gikongoro); ahayinga umwaka w'i 1700.
- 5 Miseke uwo yari atuye aho i Nyabimata ku nkiko y'Abadahemuka. Akaba intvari cyane; ndetse ngo we na Rugimbana rwa Matabaro wishe Makungu, umugaba w'ingabo z'Abarundi ni bo babanesheje ku gitero cyabo cyitwa Rwagatana. Ariko muri ubwo butwari bwe, agakubitiraho no kugira umwaga mu rugo rwe : umugore we wa 10 mbere bari baratanye, batanyijwe n'uwo mwaga we wo kurwana. Arongoye n'undi wa kabiri na byo biba nk'uko; yongeye no kurongora uwa gatatu, na bwo bimera nk'iby'abambere. Hanyuma amaze gusaza, bene wabo baramukuba; bati "Mbese Miseke uzahereza he iryo rwana ryawe ryakubujije kuremya abagore, none ukaba ugiye guhenuka 15 uhambishijwe ikara ?" Bati " Ese ugira ngo abagore na bo babamo ababisha nk'Abarundi ?" Miseke arabasubiza, ati "Abagore bo mu Badahemuka barananiye, sinzongera kuhashaka undi; nzareba ahandi hatari ino njye gushakayo"; ati "Kandi sinzongera kurongora, nzashaka umusumbakazi ndebe ko na we azananira ".
- 20 Miseke rero akagira inshuti ku nkiko y'Abashumba, ku musozi Cyahinda. Aragenda ayibwira ko izamushakira umugore wo kureshya busumbakazi. Imurangira umugore w'ikirongore utwite; ariko ngo uwo mugore yagiraga amahane asumbye aya Miseke. Miseke aramureshy, aratebutsa, arashyingirwa. Umugore araherekezwá ajya mu Badahemuka 25 i Nyabimata. Amaze kugerayo, bene wabo wa Miseke baramubwira, bati "Dore umaze gukura none uzihanganire kudatongana no kurwana n'umugore. Miseke, ati "Nzapfa kwihangana".
- 30 Nuko wa mugore wa Miseke abyara umwana wa ya nda yatahanye. Haciyevo iminsi asama indi. Imaze gukura ingeso ya Miseke irabyuka; agahora ashaka kurwana n'umugore. Barumuna ba Miseke baramubwira, bati " Nuramuka urwanye n'uriya mugore, umenye ko tuzamutabara ". Miseke ingeso iramuganzaaratongana. Atonganye umugore arashega. Miseke ararakara arahubuka aramusingira; 35 akimusingira, umugore aramuterura amukubita hasi amuterera ku wa Kajwiga amujya hejuru aramuniga. Barumuna ba Miseke barahubuka baje gutabara uwo mugore. Bagezeyo basanga ni we uri hejuru y'umugabo amuniga. Babibonye barihagararira; bati "Nimureke amunige amuvanemo amahane ye".
- 40 Muka Miseke aramuniga aramunigagura, ata urufuzi. Abandi bariyamira ! Babonye ko Miseke amaze kuremba, bamumukura hejuru ; ariko umugore yamushegeshe. Bagumya kumuseka. Amaze gutururukwa mu kwikura ikimwaro aravuga, ati "N'aho bashahu Miseke ndarwana !

umuntu warwanye n'abantu babiri ndi umwe tukageza magingo aya !”
45 Ubwo yavugaga umugore we n'umwana atwite.

Nuko kuva ubwo amashagaga ye aramukuka arakunda araremya. Ni aho umugani wakomotse; umuntu yaba akubwe n'impurirane z'ayabagabo bikarimbanya, kugira ngo abambire isoni n'ikimwaro; akawiziguza agira ati: “N'aho Miseke ndarwana !” - Kurwana 50 aka Miseke : kwhangana. Kutaba Miseke igoroye na byo ni ukuba utoroshye, kuba muhimuranyi.

IGICE CYA MBERE :

A. KUMVA UMWANDIKO

(amanota 14)

1. Miseke yari intwari izwi, ibigwi bye yabyerekaniye hehe ? **(1)**
2. Yashatse abagore bangahe ? Batandukanywaga n'ihihe ngeso ? **(1)**
3. Andika amazina 2 y'imitwe y'ingabo z'u Rwanda rwa kera ari mu mwandiko, yahawe n'uturere zari ziganditsemo.
Turi mu zihe ntara z'ubu ? **(2)**
4. Inshuti ye yari ituye i Cyahinda yamumariye iki ? **(1)**
5. Umugore wa nyuma wa Miseke babyaranye abana bangahe ?
Mu Kinyarwanda, uwo mwana yabyariye kwa Miseke yitwa mwana ki ? **(2)**
6. Barumuna ba Miseke bapfanaga iki n'umugore we ?
Batabaye bate mukuru wabo ? **(2)**
7. Ese twavuga ko Miseke n'umugore we baguye miswi ? Kuki ? **(1)**
8. Miseke yahanganye ate n'abantu babiri ? **(1)**
9. “Kurwana n'inka zarabiretse” Gira inama 2 umugabo n'umugore
babigize akamenyero. **(1)**
10. Mu Kinyarwanda, umugore witegekera umugabo nka Mukamiseke
bamwita iki ? Miseke yacishije make kugira ngo agire amahoro.
Ubwo yahindutse iki ? **(2)**

B. INYUNGURAMAGAMBO :

11. Sobanura amagambo akurikira

(amanota 10)

- | | | | |
|------------------------|------------|------------------------------------|------------|
| (a) gukorwa n'ikimwaro | (1) | (f) gutêerera umuntu ku wa kajwiga | (1) |
| (b) gushaka ukaremya | (1) | (g) amashâgaagâ | (1) |
| (c) umusumbakazi | (1) | (h) guhâambanwa ikâra | (1) |

- | | | | |
|------------------------|------------|---|------------|
| (d) inkîiko (inyito 2) | (1) | (i) kutâba miseke igoroye
(koresha inshinga iri mu mbundo) | (1) |
| (e) kurêshya (umugenî) | (1) | (j) guta urufuzi | (1) |
| C. IMPUZANYITO | | | |

12. Shaka impuzanyito z'amagambo ya A muri B.

A	B	(amanota 5)
(a) Gukûbaakuba	(1) gutebutsa	(1)
(b) gutwâara inda	(2) kugira umwaga	(1)
(c) kumenyesha umunsi w'ubukwe	(3) gukomeza	(1)
(d) kurangwa n'umushiha	(4) gutwita	(1)
(e) kuriimbaanya	(5) kwihererana (umuntu)	(1)

D. IMBUSANE

13. Andika imbusane z'aya magambo **(amanota 5)**

- (a) intwari ≠..... (1)
- (b) hejuru ≠..... (1)
- (c) umubisha ≠..... (1)
- (d) gusuumba ≠..... (1)
- (e) gutabaara ≠..... (1)

IGICE CYA KABIRI : IKIBONEZAMVUGO

14. Andika ubwoko bw'amagambo akurikira aciyeho akarongo **(amanota 8)**

- (a) Miseke yananiranywe n'abagore bo muri ako karere (4)
- (b) Uwo mugabo ati "nzashaka ahandi hantu hatari ino njye kurambagizayo ". (3)
- (c) Yoo ! Yarababaye disi we ! (1)

15. Andika inteko cyangwa ngenga z'amagambo aciyeho akarongo **(amanota 5)**

- (a) Yashatse n'uwa gatanu. (1)
- (b) Nuko abyara umwana wa yâa nda. (2)

- (c) Ngo na we yari afite amahane asumbye ay'umugabo we. (1)
- (d) Dore umaze gukira none uzihangane. (1)
16. **Garagaza uturemajambo n'amategeko y'igenamajwi (mu mpine) byubahirijwe mu magambo aciyeho akarongo.** (amanota 8)
- (a) Ingeso yaganje Miseke. (2)
- (b) Ese uzahereza he iryo rwana ryawe ? (1)
- (c) Na we ati “ ndabyanze ” (2)
- (d) Mukamiseke yari afite inda y'imvutsi ubwo yamwirenzaga. (2)
- (e) Ni bwo ashatse gatatu. (1)
17. **UBUTINDE N'AMASAKU :** (amanota 9)
- a) **Tandukanya amagambo yandikwa atyo ukoresheheje ubutinde bw'imigemo n'imiterere yamasaku ariko ugabanya ibimenyetso.** (amanota 5)
- kureshya (umugen) ≠(kudasumbana) (1)
- gusaza ≠ (1)
- kuremba (urwâaye) ≠ (1)
- kurega (mu nkîiko) ≠ (1)
- b) **Komeza uwo mwitoto kuri izi nteruro ngufi** (amanota 5)
- “ Naho Miseke ndarwana ! Umugabo muzima nkanje wahanganye n'abantu babiri guhera mu ruturuturu kugeza n'ubu ! ”. (5)
18. **IMYANDIKIRE YEMEWE Y'IKINYARWANDA** (amanota 10)
- (a) “ **i** ” y'indangahantu ikurikiwe n'izina bwite ry'ahantu yandikwa ite ? Tanga urugero mu nteruro ngufi itarenze umurongo umwe. (1)
- (b) **(?)** kiitwa gakoreshwa ryari ? Tanga urugero rw'interuro ngufi y'umurongo umwe. (2)
- (c) Interuro itangara, itangira ite ? irangira ite ? Tanga urugero. (2)
- (d) Kosora izi nteruro ukurikije imyandikire yemewe. (5)
- “Umugore wa miseke yali indgwanyi ikomeye nkawe; nabaramube

baramutinyaga; Basaba uwabo kworoshyu umwagawe no kumukomeramu mashyi."

(5)

19. IGICE CYA GATATU :

Ubumenyi rusange bw'ururimi.

(amanota 4)

- (a) Uburezi butaniye hehe n'uburere duhabwa ? (1)
- (b) Iyo bavuze ururimi twumva ibintu 2 Ni ibihe ? (1)
- (c) Tanga amagambo yabugenewe asobanura :
 - utwivugo tw'abana
 - amashyengo y'abasizi bahimba ku nyamaswa. (2)
- (d) Umugani mugufi utaniye hehe n'insigamigani ? (1)

IGICE CYA KANE :

IHIMBAMWANDIKO

(amanota 20)

Hitamo imwe muri izi nsanganyamatsiko 3 zikurikira uyivanemo umwandiko muremure ufile imirongo 25 y'amagambo 8 umwe umwe.

- 20. Ababyeyi babanye neza bita ku burere bw'abana babo.
(Mbere yo kwanzura, tanga ingingo 4 nibura zigaragaza ibyo baabagezâhô).
- 21. Kugerageza gukemura ibibazo si ko kubishobora.
(N'aho Miseke ndarwana). Uhoreye ku buzima bw'abanyeshuri erekana ingingo 4 zishimangira ibyo iyo nteruro ihamya ubone kwanzura.
- 22. Ishuri ryishoboye kandi riyobowe neza ritsindisha benshi.
Uhoreye ku ngingo 4 zifatika erekana ibishobora gufasha abanyeshuri gutsinda bishimishije.

BLANK PAGE

BLANK PAGE